

古史輯要

貳

14

1475

13



門 1 4
號 1475
卷 13

昭和十五年
十二月二日
購求

古史輯要卷三

○東漢紀

景帝子。長沙定王之後。都洛陽。凡君一十有三。得年百九十有六。

世祖光武皇帝

景帝五世孫。名秀。三十三年。有建武中元二號。賈復與五校戰。

傷瘡甚。上驚曰。失吾名將。聞其婦有孕。生女。我子娶

之生子。我女嫁之。不令憂妻子也。復尊愈。○上北破

諸賊。諸將請上尊號。不許。耿純曰。諸將從王者。欲攀

龍鱗。附鳳翼。以成其志耳。今不正位號。恐失人望。上

終未決。會彊華進赤伏符。曰。劉秀發兵。捕不道。四

夷雲集。龍鬪野。四七之際。火為王。

自高祖至此。二百二十八年。乃四七

光武恤賈復之孤

攀龍附鳳

彊華進赤伏符

古史輯要卷三

漢紀

海山仙館叢書

行已在清濁之間禮順人情

鄧禹名震關西

隗囂名震西川

二十乃即位于鄯後遷都洛陽○赤眉假立劉後為名乃奉劉盆子歸長安更始敗降封為長沙王尋被殺○宛人卓茂哀平間為密令行已在清濁之間多善政民有訴其亭長受賂茂曰律設大法禮順人情置不問後以王莽篡歸至是上首訪茂擢太傅封以侯○鄧禹西入關中吏民望風附禹禹每駐節勞之由是禹名震關西諸將欲徑攻長安禹曰赤眉鋒銳未可當也北地三郡土廣穀饒姑就養待其斃遂引兵北所至皆降○隗囂名震西川馬援往焉初援貧

馬援老當益壯

宋宏薦桓譚鼓琴悅其繁聲

寇恂屈賈復

欲田于邊其兄曰汝大材當晚成良工不示人以樸也援曰丈夫窮當益堅老當益壯乃田邊郡治產萬餘曰財貴能賑施也不則守財虜耳遂盡散而歸囂○宋宏薦桓譚上令譚鼓琴悅其繁聲譚見宏至失其常度宏免冠謝曰譚以鄭聲悅上皆臣薦之罪也上謝宏時湖陽公主寡意欲妻宏宏曰貧賤之交不可忘糟糠之妻不下堂上謂主曰事不諧矣○賈復部將殺人於潁川太守寇恂捕殺之復怒欲殺恂時復過潁川恂稱疾不見左右以為怯恂曰昔相如不

兩虎安得私鬪

奮翼灑池東隅桑榆

待益子以不死

徐宣鐵中錚錚

子陽井底蛙

畏秦王而畏廉頗為國也。上聞召恂復至曰：天下未定，兩虎安得私鬪？今日朕分之，于是極歡去。○馮異大破赤眉兵，上勞之曰：始雖垂翅回谿，異初為赤眉所敗終能奮翼灑池，可謂失之東隅，日出收之桑榆。日沉劉盆子奉帝璽以降，上待以不死，謂徐宣赤眉將曰：卿所謂鐵中錚錚，傭中佼佼者也。○隗囂使馬援往成都，觀公孫述，述素善援，援至，述盛備衛，乃延援入歸語，囂曰：子陽述字井底蛙耳，不如專意東方。指漢援奉書入洛陽，上袒幘坐迎，援曰：臣遠來，何以知非奸人而簡

恢廓大度同符高祖高帝無可無不可

遼東豕

封子密為不義侯

龐萌社稷臣

易若是上笑曰：卿說客，非刺客也。援歸謂上恢廓大度，同符高祖。囂曰：于高祖何如？援曰：不如也。高祖無可無不可，今上動如節度，且不喜飲。囂曰：如卿言，反復勝耶？○初，漁陽守彭寵以助上兵，請封朱浮曰：遼東有豕生子白頭，將獻之道，遇豕皆白，乃止。以子之功，遼東豕也。至是據漁陽反，寵蒼頭蒼頭漢奴名子密殺寵以降，上封為不義侯。○時涿郡守張豐平原守富平俱反，耿弇討平之。○上使龐萌討董憲，陰合焉。上曰：朕嘗謂龐萌社稷臣，諸君得毋笑其言乎？遂親往征

班彪著王命論

天子明見萬里

功足相方

有志者事竟成
煥然文物可觀

之。○班彪著王命論。詳見古文。勸隗囂事漢。囂不聽。彪遂避地河西。時河西守竇融未有屬。囂使人說曰。更始垂成復敗。此一姓不再興之徵也。當各據土宇以圖鼎立。融以彪言。決策東向。適上有璽書至。諭融河西皆驚。以天子明見萬里外。○耿弇破張步于祝阿。悉平齊地。上往勞之。曰。昔韓信破歷下。今將軍攻祝阿。功足相方。而難過之。將軍前在南陽。建此大策。嘗以爲落落難合。有志者事竟成也。○詔起太學。上親詣之。而煥然文物可觀矣。○馮異治關中。或譖其百姓

一丸泥東封函谷關

周黨不以禮屈
明王有不賓之士

友人拒王良

歸心。號咸陽王。異懼。上書謝。上曰。將軍于朕。義爲君臣。恩猶父子。何嫌何疑。而有懼心。○王元說隗囂曰。神龍失勢。與蚯蚓同。今天水完富。請以一丸泥爲大王東封函谷關。此萬世一時也。圖王不成。其敝猶足霸。囂善之。○徵處士周黨。王良至。黨伏而不謁。范叔論其不敬。上曰。明王必有不賓之士。賜之金帛。歸。獨良仕至司徒。良爲官。布被瓦器。妻子不入官舍。一日謁友。友拒不見。良慚。遂歸。連徵不起。○上物色。畫人也。訪嚴光。字子陵。會稽人。三徵乃至。光臥不起。上卽其臥

古史輯要卷三 漢紀 四 海山仙館叢書

子陵不可相助為理
士固有志

容星犯御座

置兩子于度

外

豆粥麥飯意

厚久未報

馮異不忘巾

車之恩

所撫光腹曰咄咄子陵不可相助為理耶光乃張目
熟視曰士固有志何至相迫乎上引光入因共偃臥
光以足加上腹明日太史奏容星犯御座上笑曰朕
與故人嚴子陵共臥耳光固謝去鈞富春山卒○時
羣寇皆平獨公孫述隗囂未下上積苦兵間謂諸將
曰且當置此兩子于度外○馮異入朝上曰豆粥麥
飯厚意久未報曰願陛下無忘河北之難臣不敢忘
巾車之恩異在巾車為漢兵獲上釋用之上賜之金帛還○執金吾
朱浮曰堯舜之盛猶加三考間者守宰數易何以責

詔上疏不得言聖
君象臣象

鄭興不為讖
校尉督責三公

師臣者帝

召父杜母

拔佩刀以斷

君鞠聚米為山谷

效乎上然之○日食詔上疏不得言聖鄭興曰頃年
日食多在晦皆月行疾也日君象月臣象君急亢則
臣迫促故月行疾而晦食陛下宜思柔克之政○詔
田租三十稅一○上與鄭興議郊祀欲斷以讖符興書
曰臣不為讖也○江馮請以校尉督察三公陳元曰
師臣者帝賓臣者霸未聞公輔制于有司也○南陽
守杜詩多善政民曰前有召父後有杜母○上欲征
隗囂郭憲曰東方初定車駕未可遠征乃拔佩刀斷
上鞞上問馬援援聚米為山指畫形勢上曰虜在吾

虜在吾目中

得隴望蜀

吾悔不用郭子橫之言

借寇一年

取士皆用儒術

祭遵憂國奉公

人戰八克

目中矣。遂征冀。冀奔西城。尋命來歙討平之。上馳邦。賜岑彭書曰。兩城若下。便南取蜀。地人苦不知足。既得隴。復望蜀也。○潁川盜起。上曰。吾悔不聽子橫。郭字之言。上歸。率寇恂往征。盜悉平。上還。百姓遮道曰。願復借寇君一年。恂嘗守潁川乃留恂。○祭遵御兵嚴肅。每取士皆用儒術。遵死。上歎曰。安得憂國奉公如祭。征虜者乎。○來歙破元安。公孫述大懼。使人刺殺歙。又使岑彭代之。述使人詐降。刺殺彭。復令吳漢逼成都。八戰八克。述被刺死。遂平蜀。○初。述徵李業。譙元

西土歸心

貴戚斂手避

二鮑

忠臣不私

鄧曄拒關不

納

尤武保全功

功臣悉令列

侯就第

不至。並賜鳩死。徵王浩。王嘉俱自殺。徵任。永馮信皆托青盲謝。徵費貽漆身為癩。以逃。上悉封其墓。獨貽存徵為太守。而西土歸心。○鮑永劾趙王良不敬。鮑恢鯁直。不避強禦。上曰。貴戚且斂手避二鮑。○任延為武威守。上戒以善事上官。延曰。忠臣不私。私臣不忠。上下雷同。非陛下福也。上善之。○上獵夜還。上東門守鄧曄拒關不納。乃從中東門入。明日上賜曄布百匹。而貶中東門守。○上欲全功臣。悉令列侯就第。不得預朝政。且上方以吏事責三公。故功臣並不用。

吏事責三公

韓歆以直諫死

河南南陽不可問

首服如東海公對

○鄧禹居家淳備有子十三人使各守一藝○韓歆好直言每于上前指天畫地以諫上惡之免歸仍宜詔責之歆自殺以非其罪百姓不厭上為成禮葬○詔檢覈官民豪猾時諸郡各遣使奏事上見陳留吏牘上有書云潁川宏農可問河南南陽不可問上詰吏吏不以實對時皇子東海公陽年十二在幄後曰河南帝城多近臣南陽帝鄉多近親故也上示吏吏首服如東海公對上由是奇愛陽乃廢郭后立陽母陰氏太子疆郭后子自請備藩許之詔曰春秋之義立

麥穗兩歧張堪善政

文叔今乃能如此柔道治天下

子以貴陽母貴宜承大統胡氏曰春秋聞立長立賢不嘗為后乎○漁陽守張堪多善政民歌曰桑無附枝麥穗兩歧張君為政樂不可支○上幸章陵故里置酒與諸母酣飲眾曰文叔向與人不款曲惟直柔耳今乃能如此上笑曰吾治天下亦欲以柔道行之○湖陽公主蒼頭殺人洛陽令董宣格殺之不用械日格殺上怒不用械宣曰無箠請自死遂觸楹流血上令叩頭謝主宣不可左右強使頓宣兩手據地終不肯俯主曰文叔白衣時尚藏亡匿死吏不敢至門今乃威不行一

天子不與白衣同

董宣強項

郭况金穴

馬援願死于邊

烈士當如是

反風滅火

虎北渡河

此長者之言

令乎。上笑曰：天子不與白衣同，因敕強項令出賜錢三十萬。○上數幸鴻臚郭况第，賜金甚多。京師號曰金穴。○拜馬援為伏波將軍，征交趾，大破之。援與孟冀曰：男兒當死邊野，以馬革裹屍還葬耳，何能臥牀上。在兒女子手中耶。冀曰：諒烈士當如是。○上問劉昆曰：汝前令江陵反風滅火，後守宏農，虎北渡河，果何德政至是。對曰：偶然耳。上笑曰：此長者之言也。○西域遣子入侍，上不許，乃閉關謝使。○馬武請伐匈奴，上曰：吾不事遠也。○武陵蠻入寇，馬援請征之。上

據鞍以示可

用

矍鑠哉是翁

馬援戒子

刻鵠畫虎

明珠文犀

意其老。援據鞍顧盼，以示可用。上曰：矍鑠哉是翁，乃遣援。援欣語友曰：吾年迫懼不得死國，今獲願矣。援大獲蠻兵，病卒于軍。遺書戒子曰：汝曹聞人過失，如聞父母名耳，可得聞，口不可得言也。故效龍伯高，不得刻鵠，不成尚類鶩；若效杜季良，不得畫虎，不成恐類狗矣。時訟良浮薄者，以援書証。上壻梁松坐與良游，幾得罪。松遂怨援。初，援在交趾，以薏苡能輕身，勝瘴，載一車歸。至是，譖以所載皆明珠文犀，上怒。援妻不敢歸，援葬。乃藁葬城西。○上幸南頓，詔復田租。

天下重器

邱隴同體

一見決聖

桓譚非聖無法

一歲頓人乞復十年。上曰：天下重器，常恐不任，日復一日，敢期十歲乎？○上作壽陵，詔曰：無為山陵陂池，使迭興之後，與邱隴同體。○第五倫領市事，公平廉介，每讀詔書，歎曰：此聖主也。一見決矣。○上東巡，羣臣請封禪，上曰：卽位來，百姓怨氣滿腹，吾誰欺，欺天乎？何事污七十二代之編錄？後上讀會昌符云：赤劉之九。光武為高祖九世孫會命岱宗。泰山為岱之宗遂禪泰山，宣布讖文于天下。桓譚言讖之非經，上怒，謂譚非聖無法，遂貶。○上每旦視朝，夜分乃罷。太子曰：陛下有禹湯之

樂此不為疲

幸辟雍養三老五更

圖畫二十八將于雲臺
馬援不與雲臺
劉平以善政
被徵
減年從役
撞郎

明而失黃老養性之福。上曰：吾自樂此，不為疲也。○顯宗孝明皇帝。光武少子，初名陽，更名莊，號永平。十八年上幸辟雍，行養老禮。以李躬為三老。知天桓榮為五更。知五行偕諸儒說經，冠帶環橋門，觀聽者至億萬。○立馬援女為后，德冠後宮，好讀書，衣大練，裙不緣。○上圖畫中興功臣二十八將于雲臺，首鄧禹，獨馬援以椒房故不與。○全椒令劉平多惠政，民戴之，或增貲，就賦減年從役，徵為議郎。○上怒藥崧以杖撞之，崧曰：天子穆穆，諸侯皇皇，未聞人君自起撞郎，乃赦。○上性偏察，羣

封還詔書

賜郭賀以三公服

宋均去獸

佛教入中國之始

為善最樂

班超立功西域

臣多畏之鍾離意獨敢諫不避每詔不便輒封還○
荊州守郭賀有殊政賜以三公服敕行部去檐帷令
百姓見其容服○九江多虎害太守宋均曰咎在貪
吏均盡退之後無復患虎者上擢均尚書令○天竺
國有神名曰佛上使人求其書而偕沙門即今僧人來為
佛入中國之始○上問東平王蒼處家何樂曰為善
最樂上嘉之○班超使鄯善其主初遇超甚謹後忽
解超曰此必北虜有使至超乃語其吏士三十人曰
不入虎穴不得虎子因夜入虜營斬其使鄯善皆驚

遣子入侍而西域通○耿恭守西域匈奴絕其水道

士卒渴笮馬汁飲恭于城中拜祝穿井揚水示虜虜

以為神乃引去○匈奴入雲中太守廉范夜令兵士

各縛兩炬炬每三頭焚火營中星列虜疑漢兵救至

驚還追破之○館陶公主為子求郎上曰郎官上應

列宿出宰百里苟非其人則民受殃不許

肅宗孝章皇帝明帝子名烜十三年有楊終請罷邊兵

曰孝元棄珠崖光武絕西域不以鱗介易我衣裳上

從之○時吏治尚嚴陳寵曰為政猶張琴瑟大絃急

耿恭拜井
揚水示虜
廉范守雲中
廉范縛炬退
虜
郎官上應列
宿
楊終請罷邊
兵
不以鱗介易
衣裳
為政猶張琴
瑟

宜廣至德以奉天心
馬廖勸成德政

言戲有切事實

廉范五袴

白虎觀議五經同異

者小絃絕。陛下宜廣至德以奉天心。上納之。○上欲封諸舅。馬太后引諸呂五王為戒。上乃止。○馬廖后太弟勸上成德政。曰：移風易俗，必有其本。語云：吳王好劍客，百姓多創瘢。楚王好細腰，宮中多饑死。城中好高結，髻以四方高一尺。城中好大袖，四方全匹帛。斯言如戲，有切事實。上納之。○廉范遷蜀郡守，舊制禁民夜作，以防火。范至，削其令，但嚴使儲水，民便之。歌曰：廉叔度，來何暮，不禁火，民安作，昔無襦，今五袴。○詔諸儒會白虎觀議五經同異，上親臨，次作白虎奏

下車先問大姓

何異指鹿為馬

久念令人驚

孤雛腐鼠
中牟三異

李邑毀班超

求忠臣必于孝子之門
南陽朱季

議。○周紆令洛陽下車先問大姓，吏以豪強對，紆怒曰：本問貴戚，如馬竇輩，豈知此賣菜傭乎？京師乃肅清。○竇憲弟奪公主田園，上責曰：何異指鹿為馬乎？久念令人驚怖，國家棄憲，如孤雛腐鼠耳。憲乃稍抑。○魯恭為中牟令，有三異，蝗不入境，化及禽獸，童子有仁心。○李邑密上疏毀班超，上知超忠，反責邑。後超令邑將烏孫入侍，或曰：曾毀君超，曰：內省不疚，人言何恤。○詔議貢舉，韋彪曰：求忠臣必于孝子之門，宜以孝行為先。○臨淮守朱暉，字多善政，民歌曰：強直自遂，南陽朱

毛義奉檄

賢者不可測

第五倫一夜
十往

白衣尙書

祠孔子于闕
里

季吏畏其威。民懷其惠。○張奉慕毛義名。往謁適府。檄召義守安陽。令義色喜。奉心賤之。後義母死。徵辟皆不起。奉歎曰。賢者固不可測。往日之喜。為親屈也。○人問第五倫有私乎。倫曰。有。吾兄子病。一夜十往。退而安寢。吾子病。雖不往。而竟夕不眠。○鄭均多節義。上幸其廬。賜尙書祿。時號白衣尙書。○上幸闕里祠孔子。語孔僖曰。今日之祠榮乎。曰。屈萬乘以重道。主德之輝也。臣何私榮。上笑曰。非聖後能為是言乎。○班固請集諸儒議漢禮。上曰。議禮之家。名為聚訟。

楊震四知

清白吏遺子

孫

以虞詡為朝

歌長

盤根錯節別

利器

設三科以募

士

綵線縫裙

宜言上書誥

兵

虞詡增竈

密。密夜懷金謝震。震曰。故人知君。君不知。故人何也。密曰。暮夜無知者。震曰。天知地知。子知我知。何謂無知。或勸震置產。震曰。使後世稱清白吏子孫。所遺多矣。○朝歌賊連年莫平。鄧騭惡虞詡。令為朝歌長。親友弔之。詡曰。不過盤根錯節。孰別利器乎。詡至。設三科。劫盜傷人。募壯士。賞其罪。使入賊中。誘之。劫伏兵。誅之。又潛遣人以綵線縫賊裙。有入市。輒擒之。賊皆駭散。詡以功遷武都守。賊眾數千遮詡。詡宣言。上書請兵。賊眾稍散。因日夜兼行。令吏士各增竈。詡曰。昔

薛包至孝

廬外旦入洒掃

子吾師表
子國有顏子

叔度汪汪千頃波

城西夕陽亭

孫臏滅竈以見弱速其追也今吾增竈以示強緩其追也○汝南薛包少至孝為異母憎逐之包廬于外旦入洒掃上聞徵為侍中不拜歸○汝南今汝寧府守王龔好士袁閏薦黃憲憲不屈初憲年十四荀淑遇之移日不能去曰吾師表也已而謁閏曰子國有顏子寧識之乎閏曰見吾叔度字憲耶陳蕃嘗曰時日之間不見黃生鄙吝復生郭泰太原人字林宗曰叔度汪汪千頃波澄之不清滄之不濁未可量也○楊震為宦者江京等譖逐至城西夕陽亭曰吾不能誅奸邪何面目

十九侯

樊英進退無所據
盛名其實難副

李固負笈從師

見日月乎遂飲鴆死○上崩閭太后臨朝欲立幼專政迎惠王子懿章帝孫立之未幾崩宦者孫程等十九人迎立濟陰王保而十九人皆侯
孝順皇帝安帝子名保十九年有永建陽和永和漢安建康五號上徵樊英待以師禮及應對無奇張楷曰天下有二道出與處也子恐進退無據矣○上徵黃瓊李固遺書迎之曰嶢嶢者易缺皎皎者易污盛名之下其實難副願先生宏此遠謨毋令人言處士盜虛聲也瓊至數上書上皆採之○李固丞相郃子少好學嘗易姓名負笈遠遊從師

李固為世大儒
茂才異行如顏淵子奇

孝廉聞一知幾
尚書猶北斗

表曲影斜
憂在腹心之疾

李固政為天下第一

為世大儒每至公府密入省親不令友人知為邵子

○左雄論孝廉非四十不舉若茂才異行如顏淵子

奇齊人年十八自可不拘時舉廣陵今揚州府徐淑年未

四十雄曰顏淵聞一知十孝廉知幾耶無以對乃罷

○洛陽地坼李固對策累云陛下有尚書猶天之有

君喉舌也○表曲者影必斜源清者流必潔猶扣木

幹百枝皆動也○本朝者心腹也州郡者四肢也臣

所憂心腹之疾也上覽對以固為議郎朝廷肅然後出

非四肢之患也守泰山政為天下第一徵將作大匠○立梁氏為后

梁氏一門七侯三后六貴人三大將軍尚公主

張綱埋輪

張綱恩信降賊

法真身難得見
二天

手劍當車

三人卿尹○遣杜喬等分行州郡張綱獨埋車輪不

行曰豺狼當道安問狐狸遂劾梁冀奏雖不行京師

肅然冀恨綱令守廣陵以廣陵積賊難平綱單車入

賊壘諭以恩義賊泣曰日二千石不道故相聚偷生

今聞明府言乃更生辰也遂降○徵法真不至人曰

真名可得聞身難得見也○蘇州刺史蘇章有故人

守清河犯贓章置酒與飲故人曰人皆一天我獨二

天章曰今夕與故人飲私恩也明日刺史按事公法

也逐正其罪○太子出讀上使种暉侍之時宦者單

車迎太子。鬲手劍當車曰：無詔何知非奸也？宦者不敢對，還請旨。太子乃得去。上益嘉鬲持重。

孝冲皇帝 順帝子，名炳。一年，號永嘉。 上年二歲，梁太后臨朝。時梁氏

擅權，皇甫規對策及之。 畧云：君舟也，民水也。羣臣乘舟者也。將軍兄弟操楫者也。

若其怠弛，將胥溺矣。 上崩，太后迎渤海孝王子續立之。

孝質皇帝 章帝元孫，名續。一年，上年八歲，生而聰睿。 嘗曰：梁冀曰

此跋扈將軍也，冀懼，置毒於餅，弑上。

孝桓皇帝 名志，章帝曾孫，封蠡吾侯。質帝崩，太后迎立之。二十一年，有建和平元嘉，永興，永壽，延

熹，永康七號。 梁太后猶臨朝，自李固免，中外喪氣，惟杜喬

皇甫規舟楫之喻
君舟民水

跋扈將軍

杜喬正色

荀氏八龍

正色不撓。梁冀誣固，喬與賊遜並下獄死。荀淑泣事明治，稱為神君。有子八人，時號八龍。陳實與荀淑

齊名。嘗詣淑，長子元方御車，次子季方參乘，孫長文

尚幼，抱車中。至淑家，八龍迭侍左右。淑孫或尚幼，抱

膝上。太史奏德星見，五百里內當有賢人聚。實嘗評

其子曰：元方難為弟，季方難為兄。李膺性簡亢，獨

于荀淑宗師之。淑子爽嘗謁膺，為之御，喜曰：今日得

御李君矣。崔實作政論諷上。 畧云：治國似治身，德

刑罰者治亂之藥石也，以刑罰治平，是以藥石供養也，以德教除殘，是以梁肉治病也。 仲長統

崔實政論
昇平梁肉
宜寫一通置
座側

五百里內有
賢人聚
難兄難弟
今日得御

潁川四長

慨然有澄清四海之志

陳蕃下榻

見其書歎曰。人主宜寫一通置座側。○韓詔為羸長。賊眾聞其賢。相戒不入境。時荅鍾皓陳實皆為邑長。所在有賢聲。號為潁川四長。四公皆潁川人。○梁氏威權震世。天子拱手聽命。上不平。密與宦者單超等五人謀誅梁冀。而封超等侯。世號為五侯。○范滂少厲清節。黃瓊薦為清詔使。滂攬轡有澄清四海之志。守令贓污者。皆望風解印去。○陳蕃尙書徵處士徐穉等五人。皆不至。蕃方峻不延客。獨稱來設一榻。去則懸之。又薦魏桓。桓曰。後宮千數。其可損乎。廐馬萬匹。其

魏桓三不可

為漢中主

劉寵一錢

華夏鮮見其儔
李郭仙舟
孟敏墮地不顧

可減乎。左右權豪。其可去乎。蕃皆曰不可。桓遂謝不至。○上問袁延曰。朕何如主。對曰。為漢中主。可與為善。可與為非也。上曰。敬聞闕矣。拜延中郎將。○會稽守劉寵遷司空。山陰六七老叟。人齎百錢送之。寵為人選一大錢以受。餘不取。○郭泰遊洛陽。符融一見嗟異。因介于李膺。河南膺曰。林宗字泰華夏鮮見其儔。後膺與泰同舟歸。眾賓望之為神仙焉。○孟敏荷甕墮地。不顧而去。郭泰問之。敏曰。甕已破矣。顧之何益。泰奇其品。勸令遊學。遂知名當世。○仇香為蒲亭長。有

枳棘非鸞鳳所棲
避雨危坐

李膺破柱

登龍門

劉寬蒲鞭示辱

母訟子不孝。香往諭之。其子輒化。王奐考城語香曰：枳棘非鸞鳳所棲，百里非大賢之路。乃捐俸資香入太學。郭泰謁曰：君泰之師也。○茅容嘗耕避雨樹下，眾皆夷踞，容獨危坐。郭泰異之，曰：吾友也。○宦者張讓弟朔為令，犯賊，畏李膺，匿讓家，合柱中。膺破柱殺朔。自是膺名益高，凡士被其容接，號為登龍門。○劉寬多仁恕，歷典三郡，吏民有過，但蒲鞭示辱而已。○初，上受學周福，時擢尚書令。又河南尹房植有名當朝，謠曰：天下規矩房伯武。植字因師獲印周仲進。福二字

南北黨人之議

宗資畫諾

成瑨坐嘯天下模楷

屣履到門

賈父所生

家賓客互相譏訕，由是甘陵福植俱甘陵人有南北部，而黨人之議起。○汝南守宗資以范滂為功曹，南陽守成瑨以岑暉為功曹，皆委心聽任。謠曰：汝南太守范孟博，南陽宗資主畫諾。南陽太守岑公孝，暉字宏農成瑨，但坐嘯。○郭泰賈彪遊太學，有聲，嘗曰：天下楷模李元禮。李膺字不畏強禦，陳仲舉。陳蕃字天下俊秀，王叔茂。王暢字於是公卿貶議者，皆屣履到門。○賈彪為新息長，窮民多不養子，彪加以殺人罪，數年間養子千數，曰：賈父所生也。名子為賈子女，為賈女。○張成善

皇陶古之直
臣
竇武申訟黨
人
願埋首陽山
側
放黨人歸田
里
范滂不謝霍
譖

風角觀四角之知當赦教子殺人李膺捕殺成成通
於宦官誣膺等與太學生結黨譏上上怒下膺等獄
獄吏請祭臯陶范滂曰臯陶古直臣知滂無罪將理
之帝如其有罪祭之何益賈彪說竇武霍譖訟黨人
冤上使宦者王甫復訊范滂等二百人皆三木囊頭
暴墜下滂曰身死之日願埋首陽山側使上不負皇
天下不愧夷齊也甫愍之為請於上悉放歸田錮終
身○黨人皆天下名士將軍皇甫規恥不得與乃自
陳亦黨列朝廷竟不問○范滂往候霍譖而不謝或

叔向不見祁
奚
平原無黨
劉勝閉門掃
軌
劉勝自同寒
蟬

讓滂滂曰叔向不見祁奚吾何謝焉昔范宣子囚叔
○詔鉤黨郡縣多所舉獨史弼平原一無及曰承旨
誣陷善良所不能也○杜密劉勝並仕歸密每於守
令多陳說勝閉門掃軌不一謁密曰知善不薦聞惡
勿言自同寒蟬而已若達賢糾惡以助明府萬一密
志也眾乃服密

孝靈皇帝名宏章帝元孫桓帝無子竇太后迎立之
武陳蕃領尚書事李膺杜密等亦復用時宦官曹節
等共媚太后武蕃欲誅之而節等反矯詔殺武蕃初

士大夫皆重其道
三君一世所宗
俊顧及廚

閉門伏牀而泣
一縣不知所為

李杜齊名

膺等雖廢錮士大夫皆重之更相標榜當時有三君
寶武陳蕃劉淑三人爲一世所宗也八俊李膺杜密等八人爲一世之俊八顧郭泰范滂夏馥等八人能顧人及張儉岑暉等八人爲善八廚王章等八人能使人追及能引以財救人
之號及武蕃被戮宦官復奏鉤黨李膺自詣獄死吳道受詔捕范滂閉門伏牀而泣一縣不知所爲滂聞曰必爲我也遂詣獄縣令郭揖欲解印與滂俱走滂曰滂死則禍塞何敢累君併及老母乎母曰汝與李杜齊名死亦何恨滂跪謝母訖顧語子曰欲使汝爲惡惡不可爲使汝爲善我非爲惡聞者皆涕黨人死

郭泰不爲危論
張儉望門投止

明廷戴半去

孔褒一門爭死
夏馥變姓名入山

至百餘郭泰歎曰人之云亡邦國殄瘁漢室滅矣但不知烏止誰之屋耳泰不爲危論故處濁世禍不及
○張儉望門投止莫不破家相容時匿李篤家上令毛欽捕之欽曰足下何專取仁義篤曰今欲分之明廷戴半去矣欽亦不捕而去後儉亡魯投孔褒不遇褒弟融匿之事泄儉復亡上捕褒融入獄融曰匿儉實融褒曰儉實求我其母曰罪當坐妾一門爭死詔獨坐褒夏馥聞之曰一人逃死禍及萬家何以生爲乃變姓名入林慮山卒○初范滂等非毀朝政申屠

獨蟠超然評論外

胡廣中庸

初聞西邸

驄馬御史

趙苞不顧私恩

蟠曰昔處士橫議卒致坑儒之禍今之謂矣乃絕迹
梁錫間後滂等罹禍獨蟠超然評論外○胡廣周流
四公歷事六朝京師諺曰萬事不理問伯始廣字天下
中庸有胡公多遜言取媚天下薄之○上每歎桓帝
不能作家乃開西邸賣官以為私藏○桓典常乘驄
馬宦官畏之語曰行行且止避驄馬御史○趙苞守
遼西鮮卑入寇劫苞母為質苞泣語母曰義不得顧
私恩母曰毋以我故虧忠義苞遂戰而母被害苞歸
葬訖曰食祿避難非忠殺母全義非孝遂泣死○上

虞舜比德唐堯

真楊震子孫

橋元異曹操

月旦評

治世能臣亂世奸雄

以崔烈為大司徒

人嫌銅臭

曰朕于桓帝何如楊奇曰猶虞舜比德唐堯上不悅
曰卿真楊震子孫死後必復致大鳥矣震死有大鳥集柩前葬畢
去○張角以妖術聚眾十萬皆裹黃巾號黃巾賊京
師震動上遣兵討之不勝會騎都尉曹操將兵合戰
破之橋元見操異曰君異世才也然未有名可交許
劭劭好覈論人物每月輒更其題品故汝南有月旦
評操往問劭劭曰子治世之能臣亂世之奸雄操大
喜○崔烈入錢五百萬拜司徒其子曰恐人嫌其銅
臭○初陳實為太邱長平心率物民曰寧為刑罰加

無為陳君短

無為陳君短。至是死。海內赴弔三萬餘人。○何進欲誅宦官。反為張讓矯詔以殺袁紹。乃勒兵悉斬宦者。

○上崩。初立子辯。董卓以陳留王協賢。廢辯立之。

董卓徵天下名士

靈帝少子。名協。三十一年。董卓徵天下名士。有初平興平建安三號。

董卓徵天下名士。

荀爽三日周歷三台

拜荀爽司空。三日之間。周歷三台。蔡邕初為議郎。亡命江海。至是卓復強之起。獨申屠蟠不就。○關東諸郡起兵誅董卓。袁紹屯河內。曹操屯酸棗。袁術屯魯陽。卓畏兵盛。劫上遷都長安避之。○涿郡劉備有大志。往見公孫瓚。瓚拜平原相。備少善河東關羽。涿郡

劉備有大志

公孫瓚以劉備為平原相

命江海。至是卓復強之起。獨申屠蟠不就。○關東諸郡起兵誅董卓。袁紹屯河內。曹操屯酸棗。袁術屯魯陽。卓畏兵盛。劫上遷都長安避之。○涿郡劉備有大志。往見公孫瓚。瓚拜平原相。備少善河東關羽。涿郡

關羽報效曹公

髀裏肉生

劉備見諸葛亮于隆中。伏龍鳳雛。三謁乃見。

荆州用武之地

操。操令羽擊之。立斬良于萬眾中。初操待羽甚厚。羽以此報之。乃奔備。左右欲追。操曰。各為其主。勿追也。○曹操攻袁紹滅之。因攻劉備。備奔劉表。荆州備嘗流涕歎曰。平常身不離鞍。髀肉皆消。今髀裏肉生。功業不建。老將至矣。○諸葛亮。字孔明。居隆中。今鄧州。劉備訪士于司馬徽。徽曰。此間有伏龍鳳雛。備三謁亮。乃見曰。曹操擁百萬眾。挾天子。令諸侯。難與爭鋒。孫權策弟。策死立之。據江東。國險民附。可為援而不可圖。今荆州地形四塞。用武之國。益州沃野千里。天府之地。而其

天所以資將軍

猶魚有水

孔明臥龍

濟大事以人為本

升樓去梯

主皆不能守。此天所以資將軍也。將軍若跨有荆益，修政觀變，伯可圖矣。備曰：善。遇亮甚厚。關羽、張飛不悅。備曰：孤有孔明，猶魚之有水也。羽飛乃止。○龐德，公嘗曰：孔明為臥龍，士元龐統字德公為鳳雛，德操司馬徽字為水鑑。○曹操攻劉琮，劉表子降，或勸劉備攻琮，荆州可得。備念表嘗托孤，不忍備過襄陽，歸者萬餘。或勸速行保江陵。備曰：濟大事者人為本，今歸吾，何忍棄去。○初，劉琦劉表長子為異母所憎，不自安，數謀於諸葛亮。亮不對，乃引亮升樓去梯，謀之。亮曰：不見重耳，居外

據水斷橋

共圖大業以此方寸地諸葛說孫權英雄無用武之地強弩之末不能穿魯縞

而安乎。琦遂請外守江夏而立琮。○曹操恐劉備據江陵，乃將精兵追備于長坂，備棄妻子走。張飛據水斷橋，瞋目橫戈，操兵乃返。趙雲抱備子至夏口會備。○徐庶母為曹操所獲，庶指其心曰：欲與將軍圖大業，此方寸地也。今方寸亂矣，遂別備詣操。○曹操進軍江陵，孔明往說孫權曰：劉豫州逃遁至此，英雄無用武之地。今操遠來，兵必疲，所謂強弩之末不能穿魯縞也。將軍誠與豫州協力，破曹必矣。時操遺權書言以八十萬眾會獵於吳，吳眾失色，議迎操。獨周瑜

孫權拔刀斫案
 孫劉大破曹兵于赤壁
 曹操自陳功伐
 築精舍為二十年規
 漢將軍曹侯之墓
 蛟龍得雲雨
 智謀士所見畧同

決策拒之。權拔佩刀斫案曰：敢言迎者與此案同遂。合備兵用黃蓋計。先誘操連舟復詐降近拒操於赤壁。大破之。操遁還。○曹操下令曰：孤始于譙築精舍為二十年規。欲待天下清耳。及徵校尉。數興義兵。以平天下。使孤死題墓道曰：漢故征西將軍曹侯之墓。云。設國家無孤。不知幾人稱帝。幾人稱王矣。然封孤四縣。願還三縣。以減孤責可也。○劉備求荊州於孫權。許之。且以妹娶備。周瑜曰：恐蛟龍得雲雨。終非池中物也。權不聽。備歎曰：智謀之士所見畧同。孔明諫

曹操使蔣幹說周瑜
 周瑜薦魯肅
 自代
 飲醇醪不覺自醉
 讀書大有所益
 非復吳下阿蒙
 別三日刮目相待

孤莫行。亦慮及此。○曹操使蔣幹說周瑜。瑜曰：大丈夫處世。遇知己之主。假使蘇張更生。能移其意乎。幹但笑無所言。還白操曰：瑜高致。非言詞能間也。○周瑜臨終語孫權曰：今曹操在北。而劉備寄寓。有似養虎。天下終始。尚未卜。魯肅忠烈。可以代瑜。初程普侮瑜。瑜不校。普曰：與公瑾瑜交。若飲醇醪。不覺自醉。○孫權謂呂蒙曰：孤嘗讀書。大有所益。卿可不學乎。蒙乃就學。後魯肅見蒙。驚曰：非復吳下阿蒙矣。蒙曰：士別三日。即當刮目相待。○龐統守耒陽。不治。魯肅曰：

士元非百里才
親禮亞于孔明
法正說劉備取益州

君子愛人以德

生子當如孫仲謀
孔明以嚴治蜀

士元非百里才。使處別駕。始展驥足耳。劉備乃拜統治中。親禮亞于孔明。○益州牧劉璋遣法正結劉備。正陰說備取益州。備不可。龐統曰：逆取順守，古人所貴。備自將數萬人入益州。嚴顏太守歎曰：所謂獨坐窮山放虎自衛也。備圍成都。璋出降。遂有益州。○董昭請曹操加九錫封魏公。荀彧曰：君子愛人以德，遂飲藥死。或此一死，差可蓋佐逆之愆矣。○曹操進軍濡須口。今巢縣。見孫權軍伍整肅。歎曰：生子當如孫仲謀。權字。若景升劉表字。兒子豚犬耳。乃還。○諸葛亮治蜀頗嚴。法正引約法

諸葛亮言為治之要

蔣琬社稷器為政以安民為本

劉備不許孫權取益州

三章為辭。亮曰：君知其一，未知其二。秦政苛民，怨故利用寬耳。劉璋闇弱，蜀人專恣，今威之以法，法行則知恩，限之以爵，爵加則知榮也。○蔣琬長廣都不治。備怒。孔明曰：琬社稷器，其為政安民為本，不事修飾。○曹操收伏后璽，令華歆壞戶發壁，牽后出。上時在殿后披髮泣於上。上曰：我亦不知命在何時。遂下后幽室死。二子皆鳩殺。○荀攸嘗與曹操密謀帷幄。操曰：文若或字之進善不進不休，公達攸字之去惡不去不止。○初孫權欲取蜀，劉備曰：吾宗室也，若取吾當披

披髮入山

劉備人傑

孔明明於治

國

關張勇冠三

軍

漢中益州咽

喉

孔明能盡時
人器用

髮入山矣。及備取蜀。權怒。令還荆州。會曹操攻漢中。備懼。割荆州之半以和權。○曹操攻張魯。破之。自進魯為王。劉曄曰。劉備人傑也。得蜀尚淺。其民未附。可乘勝擊之。少緩。孔明明於治國。關張勇冠三軍。不可犯矣。操不從。○劉備攻漢中。不利。乃徵兵益州。孔明謀之。楊洪曰。漢中益之咽喉。今曹操破之。此家門禍也。發兵何疑。孔明表洪為蜀郡守。李嚴薦楊為守史。故曰孔明能盡時人之器用。○曹操將兵臨漢中。趙雲帶數十騎出營視之。操兵大出。雲且戰且却。入營。更大開門。

操疑有伏。引去。雲以勁弩追射之。操兵大敗。明旦劉

備至營。視曰。子龍雲一身都是膽。備遂有漢中。稱漢

中王。○關羽攻樊城。今襄陽府拔之。威震華夏。曹操欲遷

都避羽。司馬懿請操割江南和孫權。說之襲羽。權令

呂蒙定計。蒙乃詐病。使羽不防使陸遜代將。羽素輕遜。故使羽益

不自備。蒙陰發兵。使白衣搖櫓作商賈狀。晝夜兼行。

馬忠獲羽。章鄉斬之。遂失荆州。呂蒙亦疾發死。○孫

權語陸遜曰。公瑾拓荆州。邈焉寡儔。子明呂蒙籌畧

次於公瑾。取羽勝于子敬。魯肅子敬一見便及帝王

白衣搖櫓

關羽失荆州

孫權論周瑜

輩得失

公瑾邈焉寡

儔

子龍一身都

是膽

關羽威震華

夏

呂蒙襲關羽

一見便及帝
王大畧
一短二長
孫權稱臣于
操
曹操為周文
王

大畧一快也。赤壁之役，勸孤召公瑾定計，二快也。後勸孤借荊州與備，是其一短。然不足損二長。○孫權上書曹操稱臣，言天命屬魏，權欲魏滅漢，以便已耳。羣臣皆勸操正大位。操曰：若天命在吾，吾為周文王矣。○曹操薨，太子丕即位。未幾廢上為山陽公，而即帝位。追操曰武皇帝。

○後漢紀 景帝子，中山靖王後，都蜀。今四川成都。曰曹丕篡漢，遂正號。後漢共二君，得年四十。有三諸史並以正統予魏，以列國待漢，獨綱目以昭烈紹漢遺統，庶幾春秋之義云。

附魏 曹姓，漢相曹操後，都許。今許州。共五君，丕、叡、芳、髦、璜，得年四十有六。

附吳 孫姓，漢將孫堅後，都建業。今南京。共四君，權、亮、休、皓，得年五十有九。

昭烈皇帝 名備，字元德。三年，號章武。上聞獻帝遇害，乃發喪制服。即帝位。武擔山之南，諸葛亮為丞相。○上恥關羽之沒。

令張飛將兵擊孫權，會其帳下張達等殺飛。按羽善騎士大夫，飛知禮士而不恤軍人，均以短致敗，惜夫。○上自將兵伐吳，相拒數月。為陸遜所敗，遁還。亮歎曰：孝直法正若在，必能制主上東行。○初上伐吳，連營七百餘里。魏主聞曰：備不曉兵，豈連營可七百里乎？孫權上事，今至矣。後七日，吳破漢書到。○魏主丕拜孫權為吳王，權使趙咨

帝自將伐吳
法孝直制主
上東行

吳王聰明仁智雄畧

吳王志存經畧
帝王之學與書生異
車載斗量
吳蜀何先
劉備有雄才
陸遜見兵勢

入謝。丕曰：吳王何等主？曰：聰明仁智雄畧之主也。納魯肅于凡品，聰也。拔呂蒙于行陣，明也。獲于禁不殺，仁也。取荊州不血刃，智也。據三州虎視天下，雄也。屈身陛下，畧也。曰：吳王學乎？曰：吳王志存經畧，不効書生尋章摘句也。曰：吳如大夫幾人？曰：聰明特達八九十人。若臣車載斗量，不可勝數。○魏主丕問伐吳蜀何先。賈詡曰：劉備有雄才，孔明善治國，孫權識虛實，陸遜見兵勢，皆難卒謀也。○上病篤，語孔明曰：君才十倍曹丕，若嗣子可輔，輔之如不才，君可自取。孔明

孔明不用魏延危計

亮軍攻祁山
馬謖違亮節制
馬謖街亭之敗
馬謖言過其實
王業不偏安
四聰八達三
公琰當與吾
共贊王業
畏蜀如虎

陽一舉定矣。孔明以為危計不用，乃自率兵攻祁山。馬謖與魏張郃戰于街亭，違孔明節制，大敗。向昭烈謂孔明曰：馬謖言過其實，不可大用。至是敗，孔明揮淚斬之，撫其孤。○孔明又上出師表。畧云：先帝以漢不偏安，故託臣討賊。臣鞠躬盡力，死而後已。至成敗利鈍，非臣之所能逆睹也。伐魏圍陳倉，以糧盡還。○魏諸葛誕等結黨相推，有四聰八達三豫之號。董昭上疏論之。○蔣琬為長史，每足食給餉。孔明曰：公琰琬字託志忠雅，當與吾共贊王業。○孔明伐魏圍祁山，司馬懿斂軍不敢戰。賈詡曰：公畏蜀如

正方腹中有鱗甲

不圖復有蘇張之事

木牛流馬

諸葛亮屯田渭南

遺巾幘婦人之服

孔明不食前言

虎奈天下笑何。乃出戰大敗。孔明亦以糧盡還。○李

平以督糧多錯。削爵徙梓潼。孔明曰。人言正方腹

中有鱗甲。不圖復有蘇張之事。○孔明作木牛流馬。

運糧斜谷口。大舉伐魏。分兵屯田。五丈原。今扶風縣。襍渭

濱。居民民安堵如故。孔明數挑戰。司馬懿不出。孔明

遺以巾幘。婦人喪服。激懿怒。終不敢戰。時孔明使至。懿

問孔明寢食使曰。丞相夙興夜寐。嗽食不至數升。懿

喜曰。亮食少事煩。其能久乎。孔明卒軍中。朱氏曰。鞠躬至死之

言為不。楊儀振旅還。懿追之。姜維反。旗鳴鼓。若將向

死諸葛走生仲達

孔明八陣圖天下奇才

聞諸葛亮卒廖立垂泣李

平致死其故何歟

王昶戒子顧名思義

餅名如畫地作

懿斂軍退。諺曰。死諸葛走生仲達。懿後懿按行孔

明營壘。觀八陣圖。歎曰。天下奇才也。○初孔明廢廖

立為民。聞其卒。立泣曰。吾終左衽矣。李平亦孔明所

廢。聞之病發死。習氏曰。鑑明而醜者忘怒武侯于廖李是也。○魏刺史王

昶多謹厚名。兄子曰沉曰默。己子曰深曰渾。嘗遺書

戒之。欲汝曹顧名思義也。書畧云。物速成則疾亡。晚

零落松柏之茂。陰寒不衰。是以君子戒闕黨也。○人

或毀已。當退而自求。若已有可毀。則彼言當矣。已無

可毀。則彼言妄矣。當則何怨于彼。妄則何害于我。○救寒莫如重裘。止謗莫如自修。○魏主曰。取士以名。如得畫餅。不可啖也。虞毓曰。名不足致異。

董允秉心公
亮
董允以嚴見
憚
六經聖人糟
粕
善易者不言
易

人而可得常士。○蔣琬為丞相，無喜色，舉止一如平
日。眾望大服。○魏主叡殂，子芳立。曹叅請眾建藩臣。
諺曰：百足之蟲，至死不僵，以扶之者眾也。芳不從。○
董允秉心公亮，上甚憚之。宦官黃皓畏允，故終允之
世，不敢為非。○魏何晏好黃老，謂六經聖人糟粕，嘗
與管輅論易。輅曰：善易者不言易。晏歎曰：可謂要言
不煩。又嘗為名士品目，自命一時才傑。○吳主權殂，
子亮立。亮令黃門取蜜，黃門與藏蜜吏隙，陰置鼠糞
蜜中。亮取糞剖之，中燥曰：此必黃門所為。久則中溼

呂岱戒諸葛
恪十思

矣。左右驚服。○吳太傅諸葛恪以輕肆見殺。初，呂岱
戒曰：每事必十思。恪曰：季文子三思，仲尼非之。君命
恪十思，明恪之劣也。○魏將軍司馬師懿子廢魏主芳。
迎高貴鄉公髦立之。○魏封司馬昭師弟為晉
公，加九錫。魏主忿昭威權，乃討昭。昭黨賈充等刺髦，
迎常道鄉公璜立之。初，魏地龍見井，髦曰：龍君德也，
不在天而在井，非祥兆。果應。○吳孫琳廢吳主亮，迎
瑯琊王休立之。○姜維數伐魏，蜀人苦兵。譙周作仇
國論諷之。○魏嵇康阮籍阮咸山濤向秀王戎劉伶

竹林七賢
士大夫以為賢

鍾會聞所聞而來

鄧艾以氊自裹

等友善。號竹林七賢。日飲酒為樂。士大夫以為賢爭效之。○鍾會謁嵇康。康不為禮。會將去。康曰。何所聞而來。何所見而去。會曰。聞所聞而來。見所見而去。○劉伶每乘鹿車。攜酒出遊。使人荷鍤隨之。曰。死便埋我。○阮籍與人奕。會母死。對者令止。籍不為意。居喪飲酒。無異平日。○魏使鄧艾等攻蜀。間行至陰平。甚險。艾以氊裹身。滾下。將士板木緣崖而進。直至綿竹。斬諸葛瞻。上請降。上子謀怒曰。當背城一戰。死社稷。以見先帝也。上不聽。謀哭於昭烈廟。自殺。尹氏曰。謀有烈丈夫。

風後帝可謂上愧矣。下愧子矣。

○吳主殂。姪皓立。

晉紀

司馬姓。魏將懿後。中朝都洛陽。遷長安。東晉都建康。今應天。共十有五君。得年百五十有五。滅魏十六年。始平吳為一統。

世祖武皇帝

名炎。司馬昭子。二十五年有太始。咸寧。太康三號。

司馬昭殂。子炎

受魏主禪。即帝位。○御牛青絲。勒斷。詔以青麻代之。

戒魏奢侈。故矯以儉也。

○吳主遷都武昌。

今武昌府。民謠曰。寧飲建

業水。不食武昌魚。寧還建業死。不止武昌居。乃還都

建業。○上徵李密。密以祖母老不就。嘗曰。密顧影無

儔也。○上欲滅吳。令羊祜督襄陽軍。祜務恩懷吳人。

青麻代青絲

至晉徵李密不
李密顧影無
儔

羊祜務思懷
吳
輕裘緩帶

陸抗論時政
豈有酖人羊
叔子

長江一葦可
航

在軍嘗輕裘緩帶侍衛不過十數人。○吳以陸抗督
荊州軍。抗曰：德均則眾勝寡，力侔則安制危。備陳時
宜十七條。吳主不納。○羊祜陸抗對境相拒，使命常
通。抗疾，求藥于祜。祜以成藥與之。抗即服，不疑。或諫
抗曰：豈有酖人羊叔子祜哉。每交兵，刻日方戰，不
為掩襲之計。○上欲納衛瓘女為太子妃，羣臣欲納
賈氏。上曰：衛氏有五可種，賢而多子，美而長白。賈氏
有五不可種，妒而少子，陋而短黑。後竟納賈氏。○賀
邵諫吳主曰：長江之限，一葦可航也。時羊祜陰令王

木柿蔽江

山公啟事

家人筐篋中
物

三徵七辟不
就

門人廢蓼莪

羊祜陳伐吳
之計

峴山建碑立
廟

墮淚碑

濬益州刺史治水軍，大作舟艦，木柿蔽江而下。吾彥取柿
白，吳主曰：晉必有攻吳之計，王不聽。○山濤為吏部，
每甄拔人物，各為一題目奏之。時稱山公啟事。○吳
人多言瑞，韋昭曰：此家人筐篋中物耳。○王裒痛父
死，非命父儀為司馬昭殺，隱居教授。三徵七辟皆不就。嘗讀
哀哀父母，生我劬勞，輒三復流涕。門人為之廢蓼莪。
○羊祜面陳伐吳之計，上善之，未舉而祜卒。南州士
民哭聲相接。祜嘗遊峴山，襄陽人立廟建碑，其地見
者皆涕。因名墮淚碑。○傅元每奏劾，或值日暮，捧簡

臺閣風生

欲言而止者

三此座可惜

竦誦待旦。由是臺閣風生。莫不震懾。○太子昏愚。衛瓘因侍宴。佯醉欲言而止者三。以手撫牀曰。此座可惜。上悟。佯曰。公真大醉耶。○程據獻雉頭裘。上焚之。以絕獻異者。○初曹操分南匈奴為五部。劉豹為部長。豹子淵幼而雋異。入侍晉。

伐吳。上從之。山濤退語曰。外寧必有內憂。今宜釋吳為外懼。○吳置鐵鎖橫江截舟路。王濬煉斷鐵鎖。遂克西陵。杜預遣將夜襲樂鄉。吳兵曰。北軍飛渡也。杜預會諸將曰。兵勢如破竹。數節之後無復著手處也。

外寧內憂

釋吳以為外

懼

鐵鎖橫江
北軍飛渡
破竹迎刃而

恐負名賢知顧

渾濬爭功

劉毅方帝桓

王濬督舟師入建業。吳主降。諸葛靚邀張悌遁去。悌曰。我荷名賢知顧。常恐不得其死。今乃遁耶。靚流涕別。悌與晉兵戰死之。○詔賜吳主侯。曰。朕設此待卿久矣。吳主曰。臣於南方亦設此待陛下。○王渾王濬爭功。范通謂濬曰。卿當口不言平吳之事。若有問。但曰。老夫何力之有。王渾能無愧乎。○郭欽請徙諸降胡於邊郡。上不從。漢魏來胡人降者多處塞內。○上置宮人五千餘。常乘羊車。恣其所之。輒宴寢其宮。宮女競以竹葉插戶引之。○上問劉毅曰。朕方漢何如主。對曰。桓靈

桓靈不聞此言

劉毅論中正入損倉卒宜備非常

張華盡忠王室

上曰何至此。對曰殆不如也。桓靈賣官入官庫。陛下賣官入私門。上曰桓靈之世不聞此言。薛瑩稱吳士第一。陸喜曰吳士有五格。瑩其在四五間乎。郡國立中正九品官人法。行之浸久多弊。劉毅奏其法有八損。○宮中火上登樓望之。皇孫適年五歲。牽上裙入暗處。曰暮夜倉卒宜備非常。何可令照見乎。上奇之。初上知太子愚欲廢之以適慧乃止。

孝惠皇帝武帝子名衷十七年有永熙元康永康永安光熙永興七號賈后干政。猶畏張華華盡忠王室雖暗主在上而朝野安靜。

牙籌會計

得種鑽核

聖人貴

將無同三語掾寧馨兒

名教內自有樂地崇有論

司徒王戎性多貪。園田徧天下。每自執牙籌。晝夜會計。家植好李。恐人得種。臨賣鑽其核。戎取士多以名。嘗問阮瞻曰。聖人貴名教。老莊明自然。其旨同異。對曰。將無同。戎辟之。時號三語掾。○尚書令王衍善清談。山濤見之曰。何物老嫗。生寧馨兒。猶言好兒然談天下蒼生者。必此人也。○吏部郎畢卓多放達。好飲。比舍郎釀熟。卓盜飲之。為掌酒者獲。明旦視之。畢吏部也。樂廣笑曰。名教內自有樂地。何必乃爾。○何晏等祖述老莊。崇尚虛無。士大夫相習成風。裴頴著崇有論。

江統徒戎論

為官為私

魯褒錢神論

張茂先華而不實

挽之不克。○江統以夷狄亂華，作徒戎論警上。上不

納。邱氏曰：劉淵匈奴也。居晉陽。石勒羯也。居上黨。姚萇羌也。居扶風。苻堅氐也。居臨渭。慕容皝鮮卑也。居昌黎。中原半為夷穴。不亂得乎。○上戇駘嘗聞蝦蟆鳴曰：此鳴者

為官乎？為私乎？聞民饑死曰：何不食肉糜？故政出多

門，賄賂公行。魯褒作錢神論譏之。論曰：錢之為體，有乾坤之象，親之如

兄，字曰孔方，無德而尊，無勢而熱，排金門，入禁闈，危

可使安，死可使活，貴可使賤，生可使殺，是故忿爭非

錢不勝，幽滯非錢不拔，怨仇非錢不解，令聞非錢不

發，洛中朱衣當途之士，愛我家兄，皆無已極。凡今之

人，惟錢而已。○裴頠薦韋忠于張華，忠不應辟曰：茂先字華華而不實，逸民字頠愆而無厭，棄典禮而附賊后，恐其

銅駝在荆棘中

貂蟬盈座

五難四不可

嵇紹朝服登輦

溺于淵，而餘波及。我况可褰裳就哉。○索靖知天下

將亂，指宮門銅駝歎曰：會見汝在荆棘中耳。○賈后

毒殺太子適，趙王倫起兵殺后，及張華、裴頠、石崇等，

以崇富籍其家。崇曰：財之害人若此。上出奔，倫篡立，

每朝會，貂蟬宦者盈座。時謠曰：貂不足，狗尾續。齊王

冏起兵殺倫，迎上復位。冏恃功擅權，孫惠諫以五難

四不可。大權不可久執，大名不可久荷，大威不可久任，大功不可久居。冏弗聽。成都

王穎起兵伐冏，自立為皇太弟。東海王越奉王上伐穎，

上中三矢，百官皆潰。獨嵇紹朝服登輦，以身蔽上，被

此嵇侍中血

張翰思葦鱸

人生貴適志

一紙書賢十部從事

殺血濺上衣。左右請浣。上曰：此嵇侍中血，勿浣也。○張翰懼禍，及因秋風起，思菰菜葦羹鱸魚膾，歎曰：人生貴適志耳。富貴何為？遂引去。○劉宏督江漢，每手書賜諭，民悅曰：得劉公一紙書，賢於十部從事。○晉將軍劉淵見晉骨肉相殘，遂自稱大單于，都左國城。尋稱漢王。元帝時滅于趙劉曜。○李雄自稱大成王，都成都，後改號漢。穆帝時滅于晉桓溫。○河間王顒將張方廢穎而立豫章王熾為皇太弟。○上食餅中毒崩，皇太弟即位。

孝懷皇帝

武帝少子名熾，號永嘉六年。

王衍

字夷甫，為司徒弟澄都督。

晉王衍三窟

何曾日食萬錢

百六椽

荆州族弟敦刺史青州曰：荆有江漢之固，青有負海之險，二人居外，吾居中，足為三窟矣。按衍雅好風流窟，風流安在？卒死石勒排牆之下。窟又安在哉？○何曾居家多侈，日食萬錢，猶云無下箸處。初侍武帝，退語諸孫曰：今上貽謀，不過及身而已。汝曹必及于難，至是果見殺。○漢王聰淵攻洛陽，上奔長安，為所執。安定守賈疋音雅與漢戰不克，乃迎秦王業入長安，立為太子。○時江東差安士民多南渡避亂，王導說瑯琊王睿都督建業收納英俊，辟掾百有六人。時號百六椽。陶侃庾亮皆往焉。○桓

王導江左夷吾

楚囚對泣

聞雞起舞

祖逖中流擊楫

祖逖誓清中原

祖生先吾著鞭

鞭

彝周覬避亂江左。彝見王導，退語覬曰：向見管夷吾，

吾輩無憂矣。諸名士遊宴新亭，相視流涕。導曰：當戮

力王室，克復神州，何至作楚囚對泣耶？○漢王宴羣

臣，令上着青衣行酒，庾珉等哭死，上亦被弑。

孝愍皇帝

武帝孫，名業，號建興四年。

祖逖有大志，與劉琨同寢。

逖琨俱司

州主簿。聞雞鳴，蹴琨曰：此非惡聲也。因起舞。往見瑯琊

王睿，請兵北伐，得部曲百餘，渡江中流，擊楫曰：逖不

能清中原，有如此江，言不返也。琨語人曰：常恐祖生先吾

著鞭。○陶侃刺史廣州，齋置百甕，每朝運于齋外，夕

陶侃連發
陶侃致力中原

義士貞女

照蒼生何由仰

返于內，或問侃，侃曰：方欲致力中原，恐安逸不堪任事耳。○漢劉曜陷涇陽，執梁緯，不屈。曜曰：義士也，賜之劍，自殺。曜欲娶緯妻辛氏，辛氏曰：二夫之婦，明公又安用之？曜曰：貞女也，亦聽自殺。曜進陷長安，上出降，漢王令上行酒執蓋，尚書辛賓抱上哭死，上亦被弑。

中宗元皇帝

名睿，惠帝曾孫，初都督建業，及愍帝被弑，乃即位。十六年，有建武中興，永昌三號，是

為東晉。按上母通于小吏牛金，而生上。上命王導同

坐御牀，導曰：若太陽下同萬物，蒼生何由仰照，乃止。

○漢劉曜篡漢自立改號趙遷都長安成帝時滅于後趙石勒

○石勒自稱後趙王後改號魏穆帝時滅于燕○祖逖鎮雍

邱今杞縣後趙民多歸之逖卒後趙遂取陳留等郡劉

于難堉亦死○温嶠欲詣建康其母止之嶠絕裾往後母

死不及奔喪為嶠終身恨○王敦王導子姪布列顯

要謠曰王與馬共天下上畏而疎之導能推分淡如

也敦懷忿作亂導詣臺待罪周顛適入呼曰伯仁字

以百口累卿顛不顧及見上極言導無罪既出復表

救之導未之知陰恨顛上隨召導入命督軍伐敦敦

温嶠絕裾

王與馬共天下

王導求救于

周顛

伯仁以百口

累卿

王導不答殺周顛

伯仁由我而死

死

幽冥之中負

此良友

錢世儀精神

滿腹

據石頭城攻之弗克上許敦以丞相督軍事乃還武
昌時敦以周顛有高名欲殺之問于導導不答遂殺
顛後導見顛救已之表泣曰我雖不殺伯仁伯仁實
由我而死幽冥之中負此良友

蕭宗明皇帝名治元帝子號大寧三年温嶠諂事王敦每結錢鳳為

援曰世儀鳳字精神滿腹鳳悅薦嶠丹陽尹嶠恐去後

為鳳所間乃于敦餞別時詐酒與鳳隙後鳳果短嶠

敦以有隙不聽○王敦疾甚上以敦死詔列敦罪狀

敦怒欲起兵命郭璞筮之不吉敦大怒曰爾壽幾何

荆州士女相慶
聖人惜寸陰
陶侃惜分陰
竹頭木屑

陶侃砥柱晉室

卞壺父子忠孝

曰命盡今日。敦遂斬璞起兵。上親征之。敦黨盡平。

陶侃夢生八翼。飛天果都督荆襄八州。州士女踴躍

相慶。侃嘗曰。大禹聖人。尚惜寸陰。吾輩當惜分陰。嘗

造船。其竹頭木屑皆藏之。眾不解。後會雪晴。廳地餘

溼。乃以木屑鋪地。及伐蜀。以竹頭作釘造船。其精密

類如此。梅福稱其忠勤似孔明而砥柱晉室果然。

顯宗成皇帝。明帝子名衍。十七年。咸和二號。卞壺泣事精勤。眾皆誚

之。壺曰。諸君子風流相尚。執鄙吝者。非予而誰。○蘇

峻鎮歷陽。今和起兵攻建康。卞壺戰死。二子隨之。其

殷浩才名冠世

此輩宜束之高閣

伺出處以下

興亡

桓溫拜表即

行

桓溫威名大

振

答書竟達空函

康皇帝。名岳。成帝弟。成帝無子。立之。號建元二年。殷浩才名冠世。庾翼曰。此

輩宜束高閣。俟太平時用耳。時人擬之管葛。孔明伺

其出處。卜江左興亡。累辟不起。後會稽王昱遺書力

請之。乃出刺史揚州。

孝宗穆皇帝。康帝子。名聃。十七年。永和升平二號。桓溫將請伐漢。拜表即

行。直入成都。滅漢。而溫威名大震。○蒲洪自立為秦

王。改姓苻氏。武帝時滅于後秦。姚萇。○張重華自立為涼王。武帝

時滅于秦苻堅。○殷浩北伐屢敗。免為庶人。至是桓溫遺書

浩。欲復用。浩欣然將答。慮有謬誤。開閉十數。竟達空

捫虱談當世務

江東無卿比

神州陸沉

謝安有重名

不出當如蒼

生何

髡參短簿

晉春秋

孫盛直書時

函○桓温伐秦王猛來謁捫虱而談世務旁若無人
温徐曰江東無卿比也温登平乘樓在今江陵望中原歎
曰神州陸沉王夷甫諸人不得辭其責○秦王堅得
王猛一見如舊友自謂如元德之遇孔明○謝安有
重名雖布衣時人以公輔期之僉曰安石不出如蒼
生何累辟乃就

哀皇帝名丕成帝子穆帝無子迎立之四年隆和興平二號桓温以郗超為參軍

王恂為主簿謠曰髡參軍短主簿能令公喜能令公
怒○桓温伐燕敗于枋頭孫盛作晉春秋直書其事

事
此史關君門
戶事

温怒謂盛子曰此史若行自是關君門戶事盛子請
于父不許遂私改之

帝奕名奕哀帝弟哀帝無子迎立之號太和六年桓温鎮姑熟今太平府有逆志

歎曰男子不能流芳百世亦當遺臭萬年乃詣建康
廢上為東海王而立會稽王昱温威振内外即上亦
拱手聽命而已

太宗簡文皇帝元帝子名昱號咸安二年謝安見桓温遙拜温驚安

曰未有君拜於前臣揖於後也温色沮

烈宗孝武皇帝簡文子名曜二十四年年寧康太元二號桓温入朝京師洵

謝安遙拜桓
温

坦之倒執手
板
謝安神色不
變
郗生入幕之
賓
基功不廢絲
竹
謝安舉謝元
謝安遠舉
親
晉正朔相承

洵皆云欲誅王坦之。謝安因移晉室。坦之謁溫。汗流沾衣。倒執手板。安獨神色不變。時溫盛兵備衛。安曰：諸侯有道，守在四夷，何須壁後置人耶？與溫笑語移日。郗超坐溫帳中，會風動帳開，安笑曰：可謂入幕之賓矣。○謝安為相，務舉大綱，時人比于王導，而文雅過之。安好聲律，卽基功之慘，不廢絲竹。○詔求良將，謝安舉兄子元以應。郗超曰：安能違衆舉親？元實不負所舉。○秦王猛臨終，語秦王曰：晉正朔，臣沒後，願毋以晉為事。○秦執吉挹魏興太守，不言不食死。秦王曰：周

投鞭斷流

帝王歷數豈有常

圍棋賭墅

是日便為敵手

孟威不屈于前，丁亥遠潔已于後。吉子冲字閉口而死，何晉多忠臣也。○秦主堅謀伐晉，權翌曰：福德在吳，伐之必有天殃。且長江之險，未可圖也。堅曰：以吾之衆，投鞭于江，足斷其流。符融亦曰：晉雖弱，天意必不絕正朔也。獨不記王景略字猛之言乎？堅曰：帝王歷數豈有常耶？遂以八十萬衆伐晉，江東震恐。謝元問計謝安，安夷然曰：已別有旨，乃與元出遊墅圍棋。安棋嘗劣于元，是日元懼，便為敵手。○秦兵屯洛澗今定遠縣，謝元、謝石等水陸並進，大敗秦兵。符堅登壽陽城。

草木皆兵

風聲鶴唳皆

謝安屐齒之折
遇風颺有凌霄之志

今壽州。望見入公山。草木皆疑晉兵。有懼色。元等復渡。淝水擊之。秦兵潰奔。聞風聲鶴唳。驚為追至。晝夜奔回。○敗秦捷至。時謝安適與客棋。閱書了無喜色。客問之。安曰。小兒輩遂已破敵。局竟還內。過戶限。不覺屐齒之折。○秦使慕容垂北鎮。權翌曰。垂勇畧過人。譬如養鷹。遇風颺起。每有凌霄之志。垂往北。果自立為後燕王。後為馮跋篡。改為北燕。○姚萇自立為後秦王。安帝時為劉裕所滅。○慕容冲自立為西燕王。不數年為後燕所滅。○乞伏國仁自立為西秦王。宋元嘉時滅于夏。○呂光自立

為後涼王。

安帝時滅于後秦。

○長星見上。惡之。舉酒祝曰。長

星勸你一杯酒。自古何有萬歲天子耶。

安皇帝

武帝子。名德宗。二十年隆安元興義熙三號。

拓跋珪自立為魏王。為北

朝魏祖。甲子舉兵伐燕。太史曰。昔紂以是日亡。為兵家

疾日珪曰。武非以是日興乎。遂克燕。命朝野皆束髮

加帽。置五經博士。問李先曰。何物可益人神智。先曰。

莫若書籍。遂命郡縣索之。○慕容德自立為南燕王。

不十年為晉劉裕所滅。

○李暠自立為西涼公。

宋永初時滅于北涼。○禿

髮利鹿孤自立為南涼王。

不數年滅于西秦。

○沮渠蒙遜自

命朝野束髮加帽。置五經博士。何物可益人神智。

時謂之充隱

劉裕龍行虎步

劉裕一世
傑

立為北涼公。宋元嘉時滅于魏。○桓元晉將封楚王。加九錫。尋廢上即帝位。元登御座。忽陷。殷仲文曰。聖德深厚。地不能載。元大悅。元耻無隱士。令皇甫希居山林。徵之。固辭。乃下詔旌禮。號曰高士。時謂之充隱。○劉裕少有大志。以賣履為業。晉拜參軍。至是入朝。桓元后曰。裕龍行虎步。不久為人下。宜早除之。元曰。我方平蕩。中原非裕不可。俟關洛平定。然後別議耳。○劉裕與何無忌甥裕劉毅共討桓元。或謂裕必無成。元曰。裕一世人傑。毅一擲百萬。無忌酷似其舅。何謂無成。裕等

不為五斗米折腰

陶潛賦歸去來辭

王仲德獨有憂色

道濟唱籌量沙

壞汝萬里長城
江左風俗於斯為美

請束帶見督郵。潛曰。吾豈以五斗米折腰。即解綬歸。賦歸去來辭。著五柳先生傳。並見古文。累辟不起。別號靖節先生。○上使到彥之。伐魏。魏主北渡。諸軍皆喜。王仲德獨有憂色。曰。河水一合。虜將復來。冬。魏果攻虎牢。彥之敗還。○檀道濟伐魏多捷。以食盡引還。魏人追之。道濟夜令唱籌量沙。魏人謂其糧給。不敢迫。○上畏檀道濟威名。詔誅之。道濟脫幘投地。曰。乃壞汝萬里長城。魏人聞之。曰。道濟死。吳子輩不足憚。○上勤政。江左風俗於斯為美。後言治者稱元嘉焉。○魏

政治稱元嘉
盡誅天下沙
門

筆公可謂社
稷臣
宗慤長風破
浪

用崔浩言盡誅天下沙門毀佛像○燕有女子化爲
男燕亡之兆○衡陽王義季出畋遇耕者左右逐之農曰
一日不耕民失其時奈何以從禽逐老農也王賢而
賜之食辭曰大王不奪農時則境內皆飽也王問其
名不告○魏主獵獲鹿數千詔以牛車運回古弼諫
其荒逸不應詔魏主曰筆公弼頭尖故名可謂社稷臣○
上令宗慤伐林邑破之慤常言願乘長風破萬里浪
○遣王元謨伐魏沈慶之曰耕當問奴織當問婢今
與白面書生謀兵濟平果大敗魏人南下所過赤地

春燕巢于林
木
連雞不得俱
飛

袁顥稱高祖
儉素之德
田舍翁得此
已爲過

無餘春燕巢于林木言無屋舍也○上合夏攻魏崔浩曰
連雞不得俱飛也○太子劭弑上武陵王駿舉兵誅
劭而自立

世祖孝武帝名駿文帝次子十一上奢侈無度壞高祖

所居陰室起玉燭殿袁顥盛稱高祖儉素之德上曰
田舍翁得此已過矣○上崩太子子業立子業殘暴
多殺臣下壽寂之弑之迎湘東王彧卽位

太宗明帝名彧文帝少子七賜王景文刺史死景文時與
客棋叩函閱畢置局右神色不變局竟徐示客飲藥

卒。○魏主係囚。每至積年。曰。人苦則思善。故智者以
囹圄為福堂。朕欲令悔過耳。

蒼梧王明帝子。名昱。號元徽五年。上懼蕭道成都督威名。欲殺之。道成

乃弒上。立安成王準。準年方十歲。

順帝明帝少子。名準。號昇平三年。詔禁鷺眼錢。入水不沉。千錢不盈

三寸。○蕭道成封齊王。未幾稱禪即位。

齊紀蕭姓。漢蕭何後。凡七主。得年二十四。附北朝魏改姓元氏。遷都洛陽。

太祖高帝名道成。號建元四年。上即位。謝朓不應詔。左右欲殺之。

上曰。殺之。令成其名。乃止。○上衣中有玉玦。命碎之。

詔禁鷺眼錢

曰。留此政長病源。嘗曰。使我治天下十年。黃金當與
土同價。

黃金與土同價
蕭衍有文武才

世祖武帝高帝子。名顯。號永明十一年。蕭衍有文武才。王儉奇之曰。

蕭郎出三十貴。不可言。○陳顯達居官清儉。其子以
塵尾拂蠅。令燒之。曰。此王謝王導家物。汝不須捉。○

王謝家物
魏主遷都洛陽

魏築長城。遷都洛陽。改姓元氏。○上崩。西昌侯鸞奉
太孫昭業立之。尋被弒。而立新安王昭文。尋又廢昭

文自立。

高宗明帝名鸞。武帝兄。號建武五年。修晉諸陵。增置守衛。○魏主好

據鞍不忘講道
魏主禁胡服
胡語

步步生蓮花

六貴同朝

今天下見二義士
何預天下士大夫事

讀書。手不釋卷。在輿據鞍。不忘講道。詔禁胡服胡語。有太平風。

東昏侯。名寶卷。明帝子。號永元二年。上昏淫無度。嘗鑿金為蓮花貼

地。令潘妃行其上。曰。此步步生蓮花也。○上親信宦

官於諸嬖臣皆號為鬼。時大臣用事者六人。蕭衍曰。

六貴同朝。亂將作矣。尋起兵廢上。而立南康王寶融。

和皇帝。名寶融。東昏侯弟。號中興一年。封蕭衍梁王。未幾稱禪。馬仙璉

袁昂俱不降。衍曰。今天下見二義士。乃厚遇之。顏見

遠不食死。衍曰。我自應天順人。何預天下士大夫事。

崔亮資格用人

命吉粉乞代父

取名

梁主捨身同泰寺

顏見遠乃至此。

○梁紀。蕭姓。齊之疎族。凡四主。得年五十四。

附北朝東西魏。以後分為二。東魏都鄴。滅于齊。西魏都長安。滅于周。

高祖武帝。名衍。四十八年。天監普通大通。魏崔亮奏定

資格。專以停解日月為斷。沉滯者皆稱能。薛淑曰。若

不問賢否。惟取年月。執簿呼名。一吏足矣。何謂銓衡。

○吉粉年十五。遇父當誅。請代之。丹陽尹王志欲舉

以孝粉曰。是因父取名。罪莫大焉。力辭。○上崇釋氏。

齋食布衣。廟祀麩為犧牲。嘗捨身同泰寺。羣臣以錢

執筆觸寒

高公雄才蓋世借蛟龍以雲山中宰相請舉十三州內附得景則塞北可清亂階在此

億萬贖還宮。○上勤於政。冬月視事。執筆觸寒。手皴。指間起細白皮。每斷重罪。終日不憚。○上太子昭明。讀書一日。五行俱下。後天死。○魏委高歡鎮并州。慕容紹宗曰。高公雄才蓋世。復令握兵。如借蛟龍雲雨矣。弗聽。歡至。并遂另立東魏主。遷都鄴。東魏文帝時。滅于齊高洋。○上徵陶宏景不至。上每有事往決之。時號山中宰相。○侯景叛東魏歸梁。請以十三州內附。羣臣不可。上曰。得景則塞北可清。遂封河南王。周宏正曰。亂階在此矣。○熒惑入南斗。諺曰。熒惑入南斗。天子下殿走。上憂

富貴來逼臣

月露風雲

隋置義倉

玉樹後庭花

不美。周主曰。弗憂不富貴。素曰。但恐富貴來逼臣。臣無心圖富貴也。○周楊堅進爵隋王。未幾滅周。國號隋。時齊已滅。後數年滅。後梁而北朝混一。長城公。名叔寶。宣帝子。七年。至德禎明二號。隋李諤曰。魏崇文辭。周齊彌甚。連篇累牘。不出月露之形。積案盈箱。盡是風雲之狀。朝廷據茲擢士。恐以無用為用也。隋主納之。詔天下文翰。並宜實錄。○隋置義倉。令民出粟儲之。備凶年。○上起臨春三閣。窓楣皆沉檀。綠飾盡金玉。日與宮嬪歌飲其間。有玉樹後庭花等曲。○上恣肆日甚。

面改則心可
改

投柿于江

長江天塹

蘇威五教

傅綽諫曰。東南王氣盡矣。上惡。頃之令改過免殺。綽曰。臣心如面。面不可改。心可改乎。遂殺。○隋大作戰。船將伐陳。或請密之。隋主曰。若彼知改。吾何求乎。因使投柿於江。令陳知之。○隋大舉伐陳。上曰。王氣在此。彼何為者。孔範亦曰。長江天塹。虜能飛渡耶。相與縱酒賦詩。不輟。隋兵直入建康。執上滅之。

○隋紀 楊姓。華陰人。漢楊震後都長安。凡四主。得年三十八。自東晉分裂後至此混一。

高祖文帝 名堅。二十四年。開皇仁壽二號。 上以陳法久弛。令蘇威作五教。使民誦之。陳民驚駭為亂。執新令殺之。曰。更能使

小事何忍勤

勞使君

草滿張網

一錢而死

王通詣闕獻
策

得失在僕

儂誦五教耶。○辛公義凡決訟。有禁者即宿廳。曰。余無能化民。至禁民在獄。而安寢於家可乎。罪人聞之悔悟。後有欲訟者曰。此小事。何忍勤勞使君。乃止。○平鄉令劉曠有異政。民皆息訟。獄中草滿庭。可張網。○詔盜錢一文以上皆棄市。有三人共盜一瓜。坐死。民情洶洶欲亂。上聞之。乃停此法。○王通 諡文中子。詣闕 獻太平十二策。弗納。通歸教授河汾間。累徵不起。楊素勸之仕。通辭甚執。或語素曰。通實慢爾。素因語通曰。公而可慢。則僕得矣。不可慢。則僕失矣。得失在

讒囿譽媒

僕公何與焉。嘗語弟子曰：聞謗而怒者，讒之囿也。見譽而喜者，佞之媒也。○晉王廣因謀殺兄立為太子。

至是復弒上即位。父兄並弒，即桀紂所未有也。江都之沒，隋煬何怪焉。

煬帝名廣，高祖次子。號大業十三年。上築西苑，周二百里，窮極華麗。宮

剪綵為花

作清夜遊曲

樹凋落，則剪綵為花綴之。每月夜攜宮女數千騎遊幸，作清夜遊曲，馬上奏之。○遣丁壯百萬，西築長城，

以距榆林，後弗克而止。○造輿衛儀服，詔州縣送羽

毛，民捕之無遺。有鶴巢高樹，取之不得，思伐焉。鶴恐

傷其子，自拔鬣毛投地。時人以為瑞。○上北巡遼東，

世民請先入咸陽

一見如舊識

李淵約法十二條

不足定矣。○李淵起兵晉陽，隋遣宋老生拒之。會積

兩淵不得進，欲引兵北還。世民曰：欲興大義，當先入

咸陽，號令天下。今遇小敵，遽爾班師，從義之眾恐一

朝解體也。淵乃進兵，遂敗老生，克霍邑，濟河，關中歸

者如市。房元齡謁世民于軍門，一見有如舊識，引為

謀主。元齡亦自幸遇知己，知無不為。

恭帝名侑，文帝嫡孫。號義寧二年。李淵克長安，與民約法十二條，悉

除隋苛政，乃廢煬帝為太上皇，而迎代王侑即位。上

尊禪位于淵。○煬帝為上皇，荒淫日甚，宇文化及弒

之於江都

顏 岸 潘 氏
賊 謂 樓 匪 叛

古史輯要卷四

○唐紀李姓成紀人，都長安。唐初篡國，尚有十二。高祖五年，盡平。凡二十一君，得年二百一十九。

高祖神堯皇帝名淵，號武德九年。上厚裴寂，稱為裴監而不名。

委蕭瑀以庶政。瑀繩違舉過，人皆憚之。○李密開洛

口倉散米，取之任意。賈閔甫曰：民以食為天，今之附

者，以所天在也。一旦米盡，民散。明公孰與圖大事乎？

至是密敗歸唐，見世民驚服，曰：真英主也。後密叛去，追斬之。

○徐世勣據李密舊境，欲歸唐，不忍背密，乃啟密自

唐主稱裴監不名
蕭瑀繩違舉過
李密開倉賑給
所天在此
真英主



世勳真純臣

李素立守法

王者所與天

下共法

授七品清要

官

詔定租庸調

法

天下名義非
婦人所知

獻。上曰。世勳不背德。不邀功。純臣也。賜姓李。○有犯
法不至死。上欲殺之。李素立不可。曰。三尺法。王者與
天下共也。陛下甫創洪業。奈何棄法。上善之。命擬授
七品清要官。或擬司戶。上曰。此官要而不清。又擬祕
書郎。上曰。此官清而不要。乃授侍御史。○詔定租庸
調法。租出穀庸出絹調出布綿。○隋末錢薄甚。以紙皮爲之。至是
始行開元通寶錢。十錢重兩。○隋將堯君素守河東不下。
唐遣其妻子招之。君素曰。天下名義非婦人所知。乃
引弓射殺妻。遂自殺。○上考功臣。李綱孫伏伽第一。

李綱差盡忠款

丈夫意氣相期

公何相報之速

唐以秦王爲

天策上將

秦王開館延

賢

十八學士登瀛洲

曰。李綱差盡忠款。孫伏伽可謂誠直。○秦王世民破
劉武周。囚其將尉遲敬德。世民急釋之。賜以金曰。丈
夫意氣相期。勿以小嫌介意。必欲往。請以此金相資。
未幾。世民爲王世充所圍。敬德躍馬橫刺。翼世民出
圍。世民曰。何報之速也。賜金一篋。寵遇日隆。○上以
世民功大。封爲天策上將。令開府置僚屬。延文士十
八人。杜如晦。房元齡。虞世南。褚亮。姚思廉。李通元。蔡允恭。薛元敬。顏相時。蘇勗。于志寧。蘇世長。薛收。李守素。陸德明。孔穎達。蓋文達。許敬宗。號爲十八學士。士大夫預其選
者。時人謂之登瀛洲。○上出杜如晦補外官。世民患

如晦王佐才
隔千里如面
談

張鎮周不私
故人

傅奕請除佛
法

蕭瑀不生空
桑

之。房元齡曰。如晦王佐才也。不宜外補。上曰。元齡為
吾兒奏事。隔千里如面談。○張鎮周都督舒州。今安慶府
舒其故里也。召戚屬與飲。曰。今日猶得與故人歡飲。
明日則都督治事耳。自是境內肅然。○傅奕請除佛
法。蕭瑀曰。佛聖人也。非聖者無法。奕曰。人之大倫。莫
如君父。佛以世嫡叛其父。諒蕭瑀不生于空桑。列子
云有莘氏採桑。得嬰兒于
空中。取育之名伊尹。乃遵無父之教哉。瑀不能答。上
詔除天下佛法。○上以世民功大。欲立之。世民固辭。
乃立建成。建成懼世民。以金一車。賄尉遲敬德。刺殺

公心如山岳

秦王功蓋天
下

建成請兵討
黑闥

元齡勸行周
公之事

太白經天

世民敬德不從。世民知之。語敬德曰。公心如山岳。雖
積金至斗。知公不移。○魏徵說太子曰。秦王功蓋天
下。中外歸心。殿下無大功以鎮海內。今劉黑闥敗亡
之餘。宜請兵討之。以助功名。庶可自安。太子從之。遂
破黑闥。○上知太子與世民有隙。欲遣世民居洛陽。
令建天子旌旗。自陝以東。皆屬焉。房元齡勸行周公
之事。世民曰。吾誠知禍。但骨肉相殘。大惡也。俟其發
討之可乎。○太白經天。傅奕奏太白見秦分。秦王當
有天下。上以示世民。世民具奏建成罪狀。遂伏兵元

武門射殺建成。及元吉。上乃立世民為太子。未幾目
稱太上皇。太子即位。

太宗皇帝

名世民。高祖次子。號貞觀二十三年。

魏徵初勸建成除上。至是

秦王制服突厥

召徵。眾皆危之。徵容止自若。上改容禮之。引為詹事

秦王制服突厥

主簿。○頡利入寇。上親擊之。蕭瑀不可。上曰。彼以我

殿廷習射

有內難。故深入。設示之弱。彼必大掠矣。及頡利請和。

太宗一舉而三失

許之。瑀又不可。上曰。朕即位日淺。一與虜戰。損必多矣。瑀曰。非所及也。○上引將卒習射於殿。羣臣多諫不聽。范氏曰。天子非教射之人。卒伍非進見之士。殿廷非習射之地。太宗一舉而三失矣。○上

張蘊古上大寶箴

患吏多受賂。密遣人試之。受絹一匹。上欲加刑。裴寂曰。受贓罪誠當死。但使人遺之。是陷人於法也。上悅乃止。○張蘊古上大寶箴。上嘉納之。賜以帛。畧云。聖

聖主不以天下奉一人

人治天下。不以天下奉一人。壯九重于內。所居不過容膝。彼昏不知。瑤其臺而墮其室。羅入珍于前。所食

瑤臺瓊室

不過適口。惟狂罔念。○詔諫官隨宰相入閣議事。有

糟卽酒池

邱其糟而池其酒。○詔諫官隨宰相入閣議事。有

詔諫官隨宰相入閣議事

失輒諫。○上讓封德彝不舉賢。彝曰。未有奇才。上曰。

得絹甚于受刑

古之致治者。寧借才異代乎。○長孫順德私受絹。事發。上反賜絹。愧之曰。果有人性。得絹之辱。甚於受刑。

得絹甚于受刑

○上曰。朕少得良弓。近以示人。乃曰非良也。木心不

命京官更宿
中書內省

魏徵不存形
迹
魏徵願為良
臣

直。脈理皆邪。朕以弓矢定天下。識之猶未盡。况天下
之務乎。命京官五品上更宿中書。問民間疾苦。政事
得失。○有請去佞臣。上問為誰。對曰。陛下先陽怒試
之。執理不屈。直也。畏威順旨。佞也。上曰。是詐。自朕先
矣。何以責臣。○魏徵事上。每不存形迹。上讓之。徵曰。
君臣一體。何形迹之可存。又曰。臣願為良臣。毋為忠
臣。稷契臯陶。君臣協心。俱享尊榮。良臣也。龍逢比干。
面折廷諍。身誅國亡。忠臣也。上悅。賜絹五百匹。○嶺
南酋長馮盎叛。上欲往討。魏徵諫。使諭之。盎遣子入

一言勝十萬
師
見面必資明
鏡

剖身藏珠

徙宅忘妻

此誠致治之
要
祖孝孫作唐
雅樂

朝。上曰。魏徵一言。勝十萬師。賜絹五百匹。○上問人
主何為明暗。魏徵曰。兼聽則明。偏信則暗。上曰。人欲
自見其面。必資明鏡。君欲自知其過。必待忠臣。○上
曰。朕聞賈胡得美珠。剖身藏之。是愛珠不愛身也。人
君徇欲忘國。何以異。是。魏徵曰。人有善忘者。徙宅而
忘其妻。甚至桀紂之忘其身。亦猶是也。○上曰。人言
天子無所畏。非也。朕上畏皇天。下畏臣民。魏徵曰。此
致治之要。能慎終如始。則善矣。○祖孝孫作唐雅樂。
上曰。禮樂者。聖人緣物設教耳。治之隆替。豈由此。杜

聖人緣物設教

太宗吞蝗

民以穀為命

白鵲合歡如腰鼓

鵲死懷中

房杜謀斷相資

淹曰。昔齊陳將亡。作伴侶曲。玉樹後庭花。而聞者皆悲。何得言隆替不由此。上曰。樂者聞之則樂。憂者聞之則憂。憂樂在人。非關樂也。○畿內蝗。上掇數枚吞之。曰。民以穀為命。汝食之。寧食吾肺腸。蝗乃滅。○有白鵲巢寢殿。合歡如腰鼓。左右稱賀。上曰。誠家給。無瑞。不害為堯舜。民困多瑞。何減于桀紂。○魏徵素敢諫。善回主意。上每為之霽威。上嘗得佳鵲。望見徵來。匿懷中。徵久奏事。鵲竟死於懷。○房元齡明達吏事。杜如晦引拔士類。二人為相。謀斷相資。故唐世賢相。

唐世賢相推房杜
五花判事

常何薦馬周

陳便宜二十餘條
為臣具草

馭戎上策

師古作王會圖

張元素諫修洛陽宮

推房杜。○唐故事。凡軍國大事。許中書舍人各執所見。雜署其名。謂之五花判事。上曰。比來中書不聞違異。但行文書。誰不可為也。元齡等頓謝。○旱。詔羣臣極言得失。常何以武人不能言。會馬周客於其家。代陳便宜二十餘條。上怪問之。何曰。此臣客馬周具草也。上詔為御史。因賜何絹三百匹。○突利可汗入朝。上曰。人謂馭戎無上策。今朕安中國以服四夷。非上策乎。時夷人朝者甚眾。顏師古為作王會圖以賀。○上修洛陽宮。張元素曰。往者平隋。命毀宮室。今此役

張公有回天之力
隋文帝勵精之主

太宗禁答囚背
自謂與諸子何如

不息甚于煬帝矣。上悅，賜絹二百匹。魏徵曰：張公有回天之力。○上問蕭瑀曰：隋文何如主？瑀曰：亦勵精主也。按文帝臨朝不暇退食，乃令衛士傳餐。上曰：然不任臣下，故二帝而亡。朕信任賢才，事關宰相，孰敢不盡心乎？○霍王元軌太宗弟好讀書，能下人。或問劉元平曰：霍王何所長？元平曰：無長。問者怪之。元平曰：人惟有短，乃見長。如霍王原無短，何從見長乎？○上讀鍼灸書云：五臟附于背，詔自今毋得答囚背。○上謂王珪曰：卿自謂與諸子何如？對曰：孜孜奉國，不如元齡才兼文武，不

耿君不堯舜
王珪確論

帝王不易民
而化

房元齡奏闕
兵
二喜一懼

如李靖，敷奏詳明，不如彥博；理煩治劇，不如戴胄；耻君不堯舜，不如魏徵。至嫉惡好善，臣亦有微長。衆服珪確論。○封德彝曰：三代以還，人俗漸澆，故秦任法律，漢襍伯道，誠欲化不能也。魏徵曰：五帝三王不易民而化，行帝而帝，行王而王，顧所行何如耳。若云漸澆，今將漸入鬼魅矣。上從徵言，歷一年，斷死刑者僅二十九。○房元齡奏闕兵，上曰：隋煬豈兵不足耶？能使民人安，此朕之甲兵也。○上曰：朕有二喜一懼，比年多稔，邊境無虞，二喜也；治安則驕侈易生，驕侈則

越日五覆奏
不受康國內
附
治國如治病
魏徵獨以為
不可
文帝不及始
皇
會須殺此田
舍翁

危亡立至。一懼也。○詔決死刑。必越日五覆。奏請乃定。臨刑去音樂酒肉。○康國求內附。上曰。招絕域而斃百姓。朕不為也。絕之。○上曰。治國如治病。病愈。尤宜調護。魏徵曰。內外治安。臣不為喜。惟喜陛下安。不忘危耳。○羣臣請封禪。魏徵獨不可。曰。文帝不禪。豈不及始皇耶。事遂寢。○上欲避暑九成宮。馬周諫曰。陛下以宮小而避暑。是留上皇于暑中。而自居涼處也。○上罷朝。怒曰。會須殺此田舍翁。后問誰。上曰。魏徵。每廷辱我。后以朝服賀曰。主明臣直。今魏徵直。由

魏徵嫉媚
虞世南上聖
德論
敬德拳毆道
宗
菹醢非高祖
之罪
魏徵不觀七
德舞

陛下明也。上悅。○魏徵每諫不從。上與之言。輒不應。且曰。舜戒臣云。爾無面從。若心知其非。而口應之。是面從也。豈稷契事舜意耶。上笑曰。人言魏徵舉止疎慢。我視之。更覺嫉媚。○虞世南上聖德論。上曰。何敢過擬。但比近世主差勝耳。如朕不能慎終如始。恐使後世笑卿也。○大宴慶善宮。尉遲敬德爭次。拳毆皇叔道宗。目幾眇。士不懌曰。乃知韓彭菹醢。非高祖罪也。敬德始戢。○魏徵欲上偃武修文。每侍宴。見七德舞。上破劉武周時所作。則俛首不視。見九功舞。則諦觀之。○上

縱回來歸

魏徵不可一日去左右

入宮失一良佐作層觀以望昭陵

錄囚。縱使回家。期以來秋就死。至期皆自請。上悉赦之。○上置酒未央宮。上皇命突厥起舞。歎曰。胡越一家。古未有也。○上分天下為十道。令大臣分巡天下。或薦魏徵。上曰。徵規朕失。不可去左右。○九年。上皇崩。○皇后長孫氏崩。后嘗諫上。又製女則十三卷。土覽而悲之。曰。入宮失一良佐矣。○初葬上皇于獻陵。至是葬后于昭陵。上思念不已。作層觀以望昭陵。嘗引魏徵同登。使視之。徵曰。臣既不能見。上指示之。徵曰。臣以陛下望獻陵耳。若昭陵固已見之矣。上泣為

魏徵十思

一字不可增減

宰相領度支

魏徵上十漸萬世知君臣之義

撰定五經正義

呂才刊定陰陽雜書

之毀觀。○魏徵上十思。如思止思謙。思節等項也。上曰。當置之。凡案。○以比韋弦。西門豹性急。佩韋緩之。董安性緩。佩弦急之。○馬周為中書論事切理。一字不可增減。上聽之忘倦。○房元齡為相。以度支係天下利害。求其人弗得。乃自領度支。○魏徵上十漸。曰。陛下志業比貞觀初。漸不克終。上以疏列屏。并付史館。使萬世知君臣之義。賜徵金十斤。馬十匹。魏徵知無不言。為汲黯後一人。太宗言無不納。亦漢文後一主也。○上幸太學。命孔穎達撰五經正義。賜穎達及諸生帛有差。○上命呂才刊定陰陽雜書。悉參以經史。識者以為確

識者以為確論

史氏不能書吾惡

公主妻薛延

太宗保此三鑑

論其序祿命畧云。長平坑卒。未聞共犯三刑。南陽貴命。果足據哉。又序葬事畧云。上古委壑。初何擇地乎。○上欲自觀史。褚遂良不可。凡史不令人主自觀。使善惡無隱也。上曰。朕有三行。一鑒前代。二進善人。三斥羣小。亦欲史氏不能書吾惡也。○岑文本拜中書令。有憂色。語賀者曰。吾今受弔。不受賀也。○突厥入寇。上以公主妻薛延陀。突厥長和親。○魏徵薨。上製碑文曰。以銅為鑑。可正衣冠。以古為鑑。可知興替。以人為鑑。可明得失。朕常保此三鑑。今亡朕一鑑矣。○上曰。舜造漆器。諫者十餘。何也。褚遂良曰。漆器

忠臣愛君必防其漸
圖畫功臣於
凌烟閣

剪鬚和藥

陪碑

房元齡剛高祖實錄

六月四日事

太宗面論羣臣得失

不已。必用金玉。忠臣愛君。務防其漸。○上圖功臣二十四人。魏徵房元齡等於凌烟閣。○魏王泰。上次有寵。欲奪太子。太子承乾謀殺泰。事發。俱廢為庶人。而立晉王治。○李世勣疾。方云鬚灰可療。上自剪鬚和藥。世勣叩謝。上曰。為社稷。非為卿也。何謝為。○初魏徵薦杜正倫侯君集。至是二人以罪誅。上乃疑徵。因陪所立碑。以魏徵之忠。太宗之明。猶不免于疑。君臣之際。蓋其難哉。○房元齡刪高祖實錄。於上六月四日事。殺建成多微諱。上曰。周公誅管蔡。以安周。朕所為亦類。是須直書之。○上論羣臣得

飛鳥依人

太宗親征高麗

生日不為樂

子路有負米之恨

失曰無忌決斷事理。攻戰非所長。高士廉臨難不苟。所乏者規諫耳。馬周直言。任使多稱。遂良每寫忠愛。親附於朕。譬如飛鳥依人。人自憐之。○高麗王蓋蘇文叛。上親征之。拔遼東。進攻安市城。薛仁貴奮擊。所向皆摧。高麗盡遁。上以糧盡。班師。深悔無功。歎曰。魏徵若在。必不使朕到此。乃馳驛以少牢祀徵。復立所製碑。○上生日不為樂。曰。朕有四海而承歡膝下。永不可得。子路所以有負米之恨也。子路貧時負米百里外養親。及仕楚親歿。不得負米以養。故恨。詩云。哀哀父母。生我劬勞。朕奈何以父

師且黜浮薄 帝範賜太子

其人已在官中

太宗以術斥 李世勣何如

母劬勞之日為樂乎。○張昌齡。王公瑾。文名震京師。王師且知貢舉。黜其浮薄。上問之。對曰。若置高等。恐後進效之。有傷雅道。○作帝範十二篇。賜太子。且曰。朕無足法也。汝當更求古哲王為師。○太白屢書見太史。祕記云。唐三代後。女主武氏當王。上問李淳風對曰。臣仰稽天象。其人已在官中。土曰。凡疑似者。盡殺之。對曰。王者不死。殺無益也。○上謂太子曰。汝與李世勣無恩。恐不能服。今我斥遠之。候我死。汝親任之。太子即位。遂擢為僕射。改名李勣。以同世民。故去世字。

日引刺史入閣
永徽有貞觀之風

佳兒佳婦

家事何必更問外人

高宗皇帝名治。太宗九子。三十四年永徽。顯慶。龍朔。麟德。乾封。總章。咸亨。上元。儀鳳。調露。永隆。開耀。永淳。上曰引刺史入閣問民疾苦。長孫無忌。褚遂良。同心輔政。故永徽有貞觀風。○初上為太子。見才人武氏悅之。太宗崩。武氏出為尼。上幸寺見之。納為昭儀。太宗嘗納元吉妻。魏徵諫止之。今武氏侍太宗十三年。而高宗納之。是太宗無兄弟之倫。高宗無父子之倫。免于亂得乎。欲立為后。褚遂良曰。先帝託臣曰。佳兒佳婦。今以付卿。非大故勿廢也。武氏經事先帝。眾所共知。萬世而下。謂陛下何如主。因擲笏解巾。叩頭流血。不聽。復問李勣。勣曰。此陛下家事。何必更問外人。許

開告密之門

徐杜獨存忠

四時仕宦

唾面自乾

竊窺神器。一杯之土未乾。六尺之孤何在。試觀今日之域中。竟是誰家之天下。太后遣兵平之。○狄仁傑奏焚吳楚淫祠。千七百餘所。獨留四祠。夏禹。太伯。季札。伍員。○太后懼人心怨望。盛開告密之門。使人密告。而羅織成黨。羅網無辜。織成誣伏。法官競為深酷。獨徐有功。杜景儉。李日知。不離刑曹。終無死法。○傅游藝請改國號為周。詔豫王旦為皇嗣。賜姓武氏。游藝期年中。歷衣青綠朱紫。人稱四時仕宦。○婁師德寬慎。謂其弟曰。吾位宰相。汝為州牧。恐不免。弟曰。人或唾某面。拭之而已。師德曰。拭之反重其怒。夫唾不拭自乾。當笑

金藏剖胸

九月梨花

杜景儉真宰

相

姑姪與子母

孰親

卿足繼祁奚

蘇模稜

受之。○有告皇嗣異心。太后鞫其宮人。安金藏引劍剖胸。以明皇嗣無異。睿宗得免。○九月梨花。太后以為瑞。杜景儉曰。陰陽不時。咎在臣等。太后曰。真宰相也。○太后欲立武承嗣為太子。狄仁傑曰。姑姪與子母孰親。陛下立子。則萬歲後。配食太廟。立姪。未聞姪為天子。而祔姑于廟也。太后乃召廬陵王。立為太子。○狄仁傑舉其子為地官郎。稱職。太后曰。卿足繼祁奚矣。○蘇味道為相。處事不欲明白。惟模稜兩端。時稱蘇模稜。○婁師德薦狄仁傑入相。而仁傑不知。嘗

婁公盛德
狄仁傑薦張
柬之
桃李悉在公
門

公方今第一
人

議師德。太后曰。朕之知卿。乃師德薦也。仁傑出歎曰。婁公盛德。我為包容久矣。○狄仁傑薦張柬之。姚元崇等數十人。或謂仁傑曰。桃李悉在公門矣。曰。薦賢為國。非私也。○張昌宗等譖魏元忠。欲廢太后。因賂張說証之。宋璟謂說曰。名義至重。鬼神難欺。不可黨邪。害正。如以此獲罪。其榮多矣。及太后問說。說曰。臣實未聞。乃張昌宗逼臣証耳。太后怒。貶元忠。流說于嶺表。○太后宴朝臣。張易之兄弟位末。璟上。易之素憚璟。語曰。公方今第一流。何不坐。璟獨不為禮。○楊

六郎面似蓮花
蓮花似六郎

請兄入此甕
行冲請備藥
物

再思為相善媚。或謂張昌宗曰：六郎昌宗別名面似蓮花。再思曰：乃蓮花似六郎耳。侯思正以詭詐見寵，擢為御史。太后曰：卿不識字。對曰：獬豸何嘗識字，但能逐邪耳。太后從之。周興來，俊臣皆以酷法阿太后。或告周興逆謀，令俊臣按之。誑興曰：囚有不服，當用何法。興曰：取大甕，令囚入中，外以火炙之。俊臣乃取甕如興法，因謂曰：有旨請兄入甕。興叩頭服罪。太后原之。元行冲語狄仁傑曰：凡人必有脯醢以適口。參朮以攻疾。僕知明公之門珍味多矣。請備藥物之

藥籠中物
蘇味道以雪
為瑞

墨赦除官

欽明八風舞
祝公五經掃
地

末仁傑歎曰：吾藥籠中物，何可一日無也。三月雪。蘇味道賀瑞。王求禮曰：三月雪為瑞雪。臘月雷為瑞雷乎。太后為之罷朝。時賄賂公行，宮中降斜封墨赦以除官。不用正封曰斜，不用殊印曰墨。張柬之舉兵討武氏，斬張昌宗等，遷太后上陽宮。迎上即位，復國號唐。薛季昶曰：二凶雖誅，張昌宗祿產猶在，呂祿呂產比武三思草不去根，終當復生。上宴羣臣，祝欽明請作八風舞，備諸醜態。盧藏用曰：祝公五經掃地盡矣。上立韋氏為后，亦專朝政。武三思通焉。上使后與三思雙陸，而自

雙陸點籌

傍為之點籌。武后之勢復振。三思懼張柬之等五人。張柬之敬暉桓彥乃假封五王。令出鎮一方。尋誣以反。悉誅之。未幾武三思為太子重俊所殺。而太子亦被殺。韋后乃以餅筭上。立温王重茂。是為殤帝。睿宗子隆基起兵討韋氏。盡誅其黨。

睿宗皇帝

名旦。中宗弟。三年。景雲太極二號。

盧藏用。則天時隱終南山。

徵為左拾遺。

時有補闕連車載拾遺平斗量之謠。

司馬承禎指終南語。

仕宦捷徑

藏用曰。此仕宦捷徑也。○上以功立隆基為太子。尋傳位。自稱太上皇。

以高力士為

監門將軍

宦官之盛自此始

元之進十事

元宗明皇帝

名隆基。睿宗三子。四年。開元天寶二號。

以高力士為監門

將軍。知內省事。而宦官自此盛。○上擢姚元之為相。

避開元號。

元之進十事。必能從。方就職。上納之。元之

乃謝。○上選樂工數十人于梨園。教以法曲。○上素

友愛為長枕大被。與兄弟同寢。時薛王有疾。上親為

煮藥。回風焚鬚。曰。王病愈。鬚何足惜。嘗作興慶宮。立

兩樓。西曰花萼。相輝樓。南曰勤政。務本樓。時與諸王

宴其上。○上以風俗侈靡。罷織錦坊。焚珠玉錦繡于

殿前。令后妃無得服錦。○盧懷慎清儉。所居不蔽風

長枕大被

煮藥焚鬚

花萼勤政樓

焚珠玉錦繡

于殿前

伴食宰相

救時之相

捕蝗

御史對仗讀

彈文

宋璟奏復舊

制

張說陰所改

兩妻子不免饑寒。嘗自愧才不及姚崇。每推重之。時稱伴食宰相。○姚崇遇事明決。每有德色。謂齊澣曰。我何如相。澣曰。可謂救時之相耳。○姚崇宋璟相繼為相。崇能應變。璟每持正。故唐世賢相。前稱房杜。後稱姚宋。○山東蝗。姚崇命捕瘞之。盧懷慎以為殺傷過甚。崇曰。何不忍于蝗而忍人之饑死乎。若有禍崇請當。○貞觀之制。御史彈百官。對仗讀彈文。故大臣不得專權。小臣不得誣謗。宋璟奏復舊制。○吳兢撰則天實錄。直書宋璟激張說事。說陰所改數字。兢曰。

數字
吳兢直筆

天下本無事

始募兵充宿

衛

兵農自此分

問裴光庭奏
用循資格何

如
聖書

若徇公請。此史不為直筆。○高仲舒博古典。齊澣達時務。姚崇每向之質疑。歎曰。欲知古。問高君。欲知今。問齊君。○陸象先蒲州刺史政尚寬簡。嘗曰。天下本無事。庸人擾之耳。○唐初置府兵。百姓苦之。至是募壯士充宿衛。兵農自此分矣。○裴仙先以罪下獄。張嘉貞請杖之。張說曰。士可殺不可辱。古者刑不上大夫。為其近君也。且仙先可杖。行及吾輩矣。嘉貞無以應。○裴光庭為吏部選人。多循資格。限年月。凡庸滯者。皆喜為聖書。而才俊之士。無不嗟怨。○王毛仲嫁女。曰。

知卿不能致
者一人
飲不盡厄
韓休守正不
阿

貌瘦天下肥

音樂較勝負

萬事俱備。但未得客。上曰。知卿所不能致者一人。必
宋璟也。上為召之。璟至。飲不盡厄。托言腹痛歸。韓
休為相。守正不阿。上小有誤。輒問韓休知否。言終諫
疏已至。上嘗臨鏡。默然不樂。左右曰。韓休為相。陛下
殊瘦。上曰。吾貌雖瘦。天下必肥。○上帥太子往苑。芟
麥。曰。用薦宗廟。不敢不親。且使汝知稼穡之艱耳。○
命安祿山胡人。為節度使。討奚契丹。失律。喪師。當誅。上欲赦
之。張九齡言。其有反相。不可宥。上不聽。○上宴五鳳
樓。命附京刺史。縣令各率樂工。以較懷州刺史最盛。

連袂歌于焉

千秋金鑑錄

宰相係國家
安危

立仗馬
一鳴輒斥去

以楊氏為貴
妃

上曰。懷州之民。其塗炭乎。唯元德秀止遣樂工數人。
連袂歌于焉。上曰。真賢人之言哉。○千秋節上生辰八月十
五。羣臣皆獻寶鏡。張九齡述前代興廢為五卷。謂之
千秋金鑑錄。以獻。○上欲相李林甫。張九齡曰。宰相
係國家安危。相林甫。恐為社稷憂。上不聽。乃罷九齡
而相林甫。○李林甫欲擅權。召諫官曰。諸君不見立
仗馬乎。食三品料。一鳴輒斥去。自是言路遂絕。○駙
馬楊洄。譖太子瑛。鄂王瑊。光王琚。有異謀。俱賜死。○
納壽王妃楊氏為貴妃。而為壽王別娶。明皇殺三子。納子妃。三綱。

宰相以刑措受賞

風度得如九齡否

口蜜腹劍

羅鉗吉網李邕如干將莫邪

絕矣。何以為君。○徐嶠奏獄院殺氣由來烏鵲不棲。今鵲巢其上。幾致刑措。上歸功於相。李林甫牛仙客賜爵公。明皇殺三子。猶云刑措乎。○上思張九齡每宰相薦士。輒問風度如九齡否。○苗晉卿選士。以張倚得幸于上。取其子萌居首。上召試之。終日不成一字。時人謂之曳白。○李林甫多以計傾人。世謂其口蜜腹劍。嘗以吉溫羅希顛治獄。除不附己者。時號羅鉗吉網。○李邕以才見殺。盧藏用曰。君如干將莫邪。難與爭鋒。終虞缺折耳。○安祿山腹大。上笑指曰。此中何所有。對曰。止有

腹中止有赤心

祿山出入禁中洗祿山兒

泰山冰山

二十四郡無一義士顏真卿起兵討賊不識真卿作何狀

一赤心耳。祿山出入禁中。拜貴妃為母。遇祿山生日。厚賜金帛。越三日。召入宮。以錦裹祿山。令宮女捧洗之上。往觀。賜貴妃洗兒錢。自是祿山益肆。賜爵王。○楊國忠貴妃弟為相。或勸張彖謁之。彖曰。君輩倚之為泰山。吾以為冰山。皎日若出。君輩失所恃矣。○安祿山請以番將代漢將。從之。楊國忠謂其必反。上不聽。未幾祿山果反。河北郡縣皆風靡。上歎曰。二十四郡曾無一義士耶。及顏真卿平原太守起兵討賊。上喜曰。不識真卿。作何狀。乃能如是。祿山陷東京。破魏郡。遂稱

至死罵不絕口

父老遮道留太子
太子即位靈武

李勉尊朝廷

大燕皇帝顏杲卿常山太守拒戰被擒。嗔目罵曰：恨不斬汝羯奴，幸速殺我。祿山大怒，綁杲卿于橋柱。骨剔肉至骨，至死罵不絕口。祿山進陷潼關，上出奔蜀。至馬嵬，軍士饑疲，憤殺楊國忠嘗與祿山隙，激之使反。及貴妃，乃行。父老遮道留太子，太子馬擁不得行，遂至靈武。即位，遙尊元宗為上皇天帝。

肅宗皇帝名亨，元宗子。七年，至德乾元至元寶應四號。時制度草創，大將管崇嗣在朝堂背闕坐，李勉劾之。上曰：朕有李勉朝廷始尊。令狐潮祿山將。圍張巡于雍邱，巡將六人議降。

藁人縋城

面中六矢不動

未識人倫焉知天道

雷海清擲樂器於地

巡乃設天子像，帥將士朝之，皆泣下，遂斬六將，而軍心始奮。城中矢盡，巡縛藁人千餘，被以黑衣，夜縋城。潮兵射之，得矢十萬，後巡令雷萬春在城與賊交語，賊伏弩射之，面中六矢而不動。潮疑木偶人，及語，乃大驚。遙謂巡曰：觀雷將軍，知足下軍令矣。然如天道何？巡曰：君未識人倫焉知天道。相拒二百餘戰，賊遂敗走。顏真卿以蠟丸達表于靈武，上亦以蠟丸頒詔江淮。由是諸道唐分天下十五道。知上即位，而勤王益眾。○祿山宴羣臣，樂工雷海清不勝悲憤，擲樂器於地。

衣白山人

衣紫絕羣疑服此豈可無名

明皇思九齡先見

遣使祭曲江睢陽江淮之保障

西向慟哭。祿山支解之。○上欲相李泌。泌力辭之。但以布衣從軍。軍士指曰。衣黃者聖人也。衣白者山人也。上語泌曰。艱難之際。且衣紫絕羣疑。既而曰。服此豈可無名。乃出懷中敕。為侍謀軍國。元帥固辭。乃受。○上皇思張九齡先見。遣使至曲江祭之。○尹子奇將。圍睢陽。張巡許遠謂為江淮保障。一失賊必長驅。是無江淮也。固守之。糧盡食馬。馬盡羅雀掘鼠。雀鼠盡。巡殺愛妾。遠殺其奴。以食士。士病不能戰。而城陷。巡西向拜曰。臣力竭矣。願為厲鬼以殺賊。巡等三

以子儀為西京留守將士喜其來而悲其晚李郭齊名

子儀免胄釋

甲子儀單騎見

郇模獻三十

振不以奏。致吐蕃直入長安。上出幸陝州。賴子儀疑兵。而虜乃遁。詔子儀西京留守。○僕固懷恩反。上封郭子儀為汾陽王。鎮河東。懷恩將士悉歸之。咸喜其來。而悲其晚。○李光弼封臨淮王。與郭子儀齊名。治軍多嚴。戰功為中興第一。及在徐州。擁兵不朝。諸將不復稟畏。光弼愧恨亡。○僕固懷恩誘回紇吐蕃入寇。郭子儀免胄釋甲。單騎見虜。回紇見郭令公。嘗封令公。與回紇相約。皆驚慚。請擊吐蕃以謝過。○晉州男子郇模獻三十字。一字為一事。○晉州男子郇

楊綰清儉
子儀減座中
聲樂

猫鼠同乳

崔祐甫不賀

郭公勲高
裴諝明郭公
之不足畏

見賜之衣。○楊綰性清儉。及為相。郭子儀聞之。遂減座中聲樂。黎幹省騶從。崔寬毀第宅。皆以綰清儉故也。

德宗皇帝

名适。代宗子。二十六年。建中興元貞元三號。

朱泚節度獻猫鼠同乳。

百官稱賀。崔祐甫曰。物反其常。何以賀為。○時禁屠。郭子儀隸人犯之。裴諝以奏。或曰。獨不為郭公地乎。諝曰。郭公勲高。上或忌之。吾故發之。以明郭公不足畏。正為郭公地耳。○上遣使求賢。關播曰。此可得于進士耳。有道賢人。肯隨玉牒至乎。○李寶臣節度死。田

子儀悉屏侍
妾

裴垪知言

借商錢
稅間架
財者人之本

悅節度為其子請襲。不許。遂合兵拒命。河南騷動。時諝皆據邊兵。雖名藩臣。實不用命。惟子儀書入朝者七。洵唐室一人也。○盧杞往郭子儀問疾。子儀悉屏侍者。或問之故。子儀曰。杞貌醜而心險。婦人見之必笑。杞柄權。吾族無遺矣。○郭子儀薨。以其身係天下安危者三十年。裴垪稱其功益天下。而主不疑。位極人臣。而眾不疾。窮奢極欲。而人不非之。○田悅朱滔等反。俱稱王。時兩河用兵。府庫不支。詔借商人錢。稅間架。陸贄恐民生變。奏曰。財人之本也。本傷則枝瘁矣。宜罷諸稅。上不聽。○李希烈圍襄

秀實以笏擊朱泚

蒲首蒲身

陽姚令言亦節度率兵入援。過京師。冀得厚賜。及犒師。惟糲食菜餒。眾怒。聞瓊林大盈二庫金帛皆滿。遂斬關而入。上出幸奉天。亂兵推奉朱泚。泚稱權知六軍。段秀實以笏擊其額。被殺。泚遂稱大秦皇帝。朱泚圍奉天。幾陷。李懷光節度入援。泚敗走長安。時懷光聲言欲請上誅盧杞。杞懼。不令見上。詔使乘勝攻長安。懷光以千里赴難。咫尺不得見天子。意怏怏引兵去。高重捷與李日月朱泚將戰死。被斬首去。上哀之。結蒲為首以葬。朱泚見其首亦哭曰。忠臣也。束蒲為

日月之母不坐

軀命同瓜菓

公輔諫造塔

李晟克復京城
李燿密言于上

身葬之。日月亦戰死。其母不哭。曰。國何負汝而反。及泚敗。獨日月之母不坐。上以所撰赦文示陸贄。贄曰。知過非難。改過為難。臣願聖慮更思所難。李懷光反。上奔梁州。民有獻瓜菓者。欲授以官。陸贄諫曰。夫士以亡軀命獲官。而此以二瓜菓獲之。是同軀命于瓜菓也。上造塔葬公主。姜公輔諫之。上曰。造塔小費。非宰相宜論。陸贄曰。論事者計是非。不計大小。李晟平朱泚。克復長安。迎駕還。馬燧平李懷光。光子燿自殺。初懷光反。時燿為御史。知父必反。密告于上。曰。君父一也。父負君。不忍不告。臣

禁軍脫巾求糧

醉人為瑞

宰相之職不可分
趙光奇言百姓不樂

道也。君殺父，不忍不死。子道也。眾皆賢之。○關中食廩竭，禁軍或脫巾求糧。上憂之，會韓滉運米至陝，上大喜。比年多饑，至是麥熟，市有醉人以為瑞。○上以李泚平，章事復以刑罰委柳渾。泚曰：宰相之職不可分也。若各有主，是有司非宰相也。○上出畋，入民趙光奇家，問百姓樂乎。對曰：不樂。前詔兩稅之外無他徭，今誅求益甚，何樂之有。上命復其家。○上謂李泚曰：人言盧杞奸邪，朕殊不覺。泚曰：倘覺之，豈有建中之亂。上曰：建中之亂，術士豫請城奉天，此蓋天命。泚曰：天命他人可言，惟

君相不言命
君相所以造命

延齡堯代之共工魯邦之正卯陽城論延齡

李兼月進

閉門撤業
陽城自署其考
陽城撫字心勞

君相不言命。君相所以造命也。○諸州大水，陸贄請賑。上曰：淮西缺賦，不宜賑。贄曰：寧人負我，毋我負人。○裴延齡以聚斂見倖，陸贄諫曰：延齡堯代之共工，魯邦之正卯也。上怒，貶贄。陽城率諫官極論延齡奸佞。上仍欲相延齡，陽城哭於朝，乃止。○時羣臣多以進奉市寵，李兼有月進。韋臯有日進。○使宦官于市中買商貨，謂之宮市。市皆閉門撤業。○陽城左遷道州刺史。賦稅不登，城自署考曰：撫字心勞，催科政拙，考下下。

順宗皇帝名誦德宗子。時王伾王叔文章執誼等專權。互相推曰。伊周管葛復出。上以瘋疾不能臨朝。傳位太子。自稱太上皇。

杜黃裳請以法制藩鎮

杜黃裳論帝王勞逸

憲宗皇帝名純順宗子。杜黃裳請討劉闢曰。陛下欲振紀綱。宜以法裁藩鎮。上然之。○上論古帝勞逸何如。杜黃裳曰。勞于求賢。逸于任人。虞舜所以治也。至秦始衡書。日衡表竟必至一石為程。不滿不休。隋文傳餐。見前。而皆無補于治。以勞非所勞也。○李吉甫為相。謂裴迥曰。報主惟在進賢。公有精鑒。幸為我言之。迥取筆書三十餘人。

時稱吉甫得人

裴迥賞諫官

憲宗遣使賑恤

李藩批勅

時稱吉甫得人。○裴迥為相。獨賞諫官。上問治要何先。迥曰。先正其心。有故人求京兆判。迥曰。公才不稱此官。何敢以私害公平。○上遣使賑饑。戒之曰。勿効潘孟揚。飲酒遊山而已。○李藩遇敕下不便。即於黃紙後批之。裴迥薦之為相。○上憤諸鎮世襲之弊。欲革之。李絳宰相曰。河北諸鎮相黨。未可輕議。惟淮西無援。可圖也。○元義方譖李絳私其同年。絳曰。夫以九州之人。偶同一第。有何情私乎。○李吉甫以天下太平。勸上為樂。李絳曰。河南北不能制者五十餘州。犬

同年偶同一第
吉甫言天下已太平

為政寬猛何先
寬猛先後可見

談理不知倦

田興舉魏博歸朝
李絳揣魏博若符契

戎近接涇隴。烽火屢驚。正陛下宵衣旰食之時。豈得謂太平哉。上退曰。吉甫專為媚。絳真宰相也。○上問寬猛何先。權德輿曰。秦以慘刻亡。漢以寬大興。則寬猛先後見矣。○上與宰相論治延英殿。暑甚。汗透御服。恐上倦。求退。上曰。朕入宮。所接惟宮人耳。故樂與卿等共談。不知倦也。○田季安薨。子懷諫自襲。李吉甫請討之。李絳曰。懷諫乳臭。大權必有所屬。不必觀兵。當自歸。未幾。田興果遷懷諫來歸。上曰。絳揣魏博若符契。乃詔田興為魏博節度。命裴度齎錢百五十

軍士歡聲如雷

裴度為田興陳君臣之義
李絳不避親故
朝廷自有典刑
君子與君子合

柳宗元梓人傳

萬緒。賜將士將士歡聲如雷。裴度為興陳君臣之義。興聽之。終夕不倦。○李絳用人不避親故。曰。非親非故。孰諳其才。苟所用非人。朝廷自有典刑。上曰。然。○李吉甫屢詘于李絳。故以朋黨誣絳。絳曰。君子與君子合。豈能使之與小人合哉。絳竟罷。憲宗銳意中興。絳裴度。○梁悅以報父仇殺人。莫定其罪。韓愈曰。律無復仇之條。非闕也。以不許則傷孝子之心。許之人將倚法矣。是在酌事而處之。○柳宗元善為文。作梓人傳。喻相業。畧云。梓人不執斧斤。惟麾衆工。及大種。厦告成。獨名其功。相天下者亦猶是。種

種樹郭橐駝傳

李光顏勇而知義
裴度知人

一度足破二賊
李愬雪夜襲蔡州
李愬出迎裴度

樹郭橐駝傳。喻政教。則天全矣。若其朝視暮撫甚者。爪其膚以驗生枯。言甚切理。久討淮西未克。上憂之。裴度曰。李光顏勇而知義。必能立功。果捷。上以度為知人。○李師道密遣人刺殺武元衡。以元衡謀討淮西故刺之。并擊裴度。傷其首。京師大駭。請罷度。安諸鎮。心上曰。吾用度一人。足破二賊。李師道王承宗。若罷度。是中奸謀矣。度遂請親討之。○李愬雪夜襲蔡州。擒吳元濟。具橐駝。迎拜裴度。度將避之。愬曰。蔡人不識上下之分。願公因示之。度乃受拜。即以蔡卒為牙兵。或意其反側。

蔡人則吾人

裴度表求白退
朝廷輕重在宰相
以柳泌知台州刺史

韓愈諫迎佛骨

貶韓愈為潮州刺史
仰之如泰山北斗

度曰。元惡既擒。蔡人則吾人也。○以皇甫鏞同平章事。裴度耻與小人同列。上表求退。曰。天下治亂。係朝廷。朝廷輕重在宰相。陛下何自墮昇平乎。上意度言為黨。不之省。○上好仙。方士柳泌言。天台多靈草。可合長生藥。請吏茲土求之。遂命刺史台州。○上遣使迎佛骨。供奉禁中。韓愈獨上表極諫。畧云。自五帝至三王。皆享壽考。未有佛也。迨漢明始入中國。其後奉佛益謹。年代益促。則佛不足信明矣。乞以骨投諸水火。永絕後世之惑。佛如有靈。能作崇禍。愈請當之。上怒。貶愈潮州刺史。贊曰。韓愈排佛老。功齊孟子。學者仰之如泰山北斗。蘇東坡曰。文起八代之衰。道濟天下之溺。精誠能開衡山之雲。而不能回憲宗之

公之所能者
天
元宗理亂之
所分

惑能馴鱷魚之暴而不能弭羣小之謗。○上問崔羣
蓋公之所能者天也。所不能者人也。○上問崔羣
曰。元宗先理後亂。何也。羣曰。用賢則理。用邪則亂。人
皆以天寶十四年安祿山反為亂之始。臣獨以開元
二十四年罷九齡而相林甫為理亂所以分也。○上
服金丹暴崩。或言宦者陳宏志
弑逆。特諱言耳。

心正則筆正

柳公權筆諫

穆宗皇帝名桓。憲宗子。
四年。號長慶。上見柳公權學士書跡愛之。公權
曰。運筆在心。心正則筆正。上默然改容。知其以筆諫
也。○李宗閔對策。每譏李吉甫。吉甫子李德裕學士恨
之。自是各分朋黨。漢之黨。始于甘陵二部。而成于太
學諸生。唐之黨。始于宗閔對策。而

柳公綽誅舞
文史

成于錢徽之貶。上以四海漸平。乃銷兵。時軍士落籍者。皆聚
山澤為盜。悉歸王庭湊。自是再失河朔。終唐世不能
復取。○柳公綽節度治二吏。一犯賊。一舞文。判曰。賊吏
犯法。法在。奸吏亂法。法亡。竟誅舞文者。○上服金丹
崩。

劉栖楚碎首
玉堦

敬宗皇帝名湛。穆宗子。
四年。號寶曆。上每日宴樂。劉栖楚請碎首玉

八關十六子
膽落温御史

堦。以謝諫職之曠。○李逢吉用事。所親厚者八人。附
之者八人。時稱八關十六子。勢傾朝野。○李祐節度進
馬百五十匹。温造彈其違勅進奉。祐曰。幾膽落于温

丹展六箴

重宰相所以
尊朝廷
裴度失印

裴度識量

御史矣。○上遊幸無度。比昵小人。李德裕獻丹展六箴。○牛僧孺罷為節度。過襄陽。柳公綽迎之曰。重宰相所以重朝廷也。○裴度復入相。忽左右白失印。度飲酒自如。頃忽白於故處得之。或詰其故。度曰。此必盜之印書契耳。急則投之水火。緩則復還故處。人以此服其識量。○劉克明宦弒上。立絳王。悟王守澄宦討克明。殺悟立江王涵。

文宗皇帝

名涵。穆宗次子。十三年。號太和開成。

時宦官橫肆。會上詔舉賢

良。劉蕡對策。極言其禍。考官皆憚服。終畏宦官不敢

取。李郃曰。劉蕡下第。我輩登科。能無汗顏。乃上疏言

蕡策漢魏以來。無與為比。乞讓第。竟不報。○崔郾治

陝。經月不答一人。及遷鄂。尚嚴。或問之。郾曰。陝土瘠

民淳。吾撫之。不暇。鄂則險而狡矣。故嚴。○悉怛謀蕃將

以維州來降。李德裕遣兵據其城。牛僧孺謂禦戎以

信。宜還其城。逐怛謀于吐蕃境。誅焉。上從之。而牛李

互益構怨。○上問天下何時太平。牛僧孺曰。太平無

象。今四夷不侵。百姓樂業。亦云小康矣。○杜牧憤河

朔諸鎮之橫。朝廷專事姑息。乃上疏。名曰罪言。謂位卑而

漢魏以來無
比
經月不答一
人

禦戎以信為
上

天下何時太
平
太平無象

去朝中朋黨
難
石榴夜有甘露

魏笏亦甘棠
之比
此衣已三澣
服澣衣乃未節

言上不報。○時李德裕李宗閔朋黨方熾。上歎曰。去
河北賊易。去朝中黨難。○上畏宦官之橫。與李訓鄭
注謀誅之。會稱左金吾廳後石榴夜有甘露。上命諸
宦官往視之。訓注因伏兵縱擊。謀洩。反為殺傷千六
百餘人。諸部官吏舒元輿等坐斬者千餘人。自是宦
官愈橫。天下事皆決于北司。宰相行文書而已。○上
求文貞公魏徵笏于魏謩徵五世孫宰相。曰。此甘棠之比也。○
上舉衫示柳公權曰。此衣已三澣矣。公權曰。陛下富
有四海。當修政為急。澣衣其末節耳。○裴度薨。上問

裴度以身係
國家輕重
裴度比子儀

李德裕論邪
正

正人如松柏
遣李回宣慰
三鎮

其家得遺表半藁。以儲位未定為憂。度威望達四夷。
以身係國家輕重。如郭子儀者二十年。○上語周墀
曰。昔周赧漢獻受制強臣。朕受制家奴。方之赧獻。殆
不如也。因泣下。○上疾甚。仇士良等宦廢太子成美。
而立穎王。灑為太弟。
武宗皇帝名漐。後改名炎。文
帝弟。六年號會昌。李德裕曰。人主致治。在辨
邪正。夫正人指邪人為邪。邪人亦指正人為邪。然正
人如松柏。邪人如藤蘿。辨之匪易也。○劉禎節自為
留後。李德裕請討之。懼河朔三鎮為援。乃遣李回宣

郭誼賣禎求賞

慰三鎮。遂奉詔討禎。禎將郭誼斬禎以降。李德裕曰。始輔為亂。終賣禎求賞。亦斬之。○上崩。以太子幼。宦官迎皇太叔光王忱即位。

宣宗有隱德

宣宗皇帝名忱。憲宗少子。十三年。號大中。初上以不慧聞厚。自韜晦。故

致太平以此

宦官迎立之。及立。敏于裁決。人始知有隱德。○上讀

言為首

書貞觀政要於屏風

太宗金鏡錄云。至亂恆由任奸。至治恆由任賢。士曰。求致太平。當以此言為首。又書貞觀政要於屏。每拱

詔杜牧撰韋丹遺愛碑

雄笑言涇陽縣令

手讀之。○韋丹觀察沒四十年。民猶歌思。上命杜牧撰丹遺愛碑。擢其子御史。○上獵遇涇陽樵夫。問其令

南北司如水
火
手筆除君諷
祈佛乞留

處分驚人
面察刺史能
宰相可謂有
權

李行言對曰。性執。上歸。貼其名于殿。除海州刺史。○上欲誅宦官。令狐綯曰。但有罪勿赦。有關勿補。其黨自盡。宦官竊見其奏。由是南北司如水火。○上獵渭有父老聚佛寺。上問之曰。縣君李君諷考滿當去。故祈佛乞留耳。上歸。除懷州刺史。○上令韋澳纂州縣風土。上之。號曰處分語。薛宏宗語澳曰。今土處分我州事驚人。及詰之。皆處分語中事也。○詔刺史至京。面察除官。令狐綯徙其故人。鄰州刺史便道之官。上讓綯曰。宰相可云有權。綯汗透重裘。○上崩。上明斷

令狐綯汗遊
重裘
小太宗
白衣宰相

恭儉。惠民恤士。故大中之政。人號為小太宗。

懿宗皇帝名璿。宣宗子。十四年。號咸通。令狐綯執政。其子瀉多主之。

時稱白衣宰相。

僖宗皇帝名儼。懿宗子。十五年。乾符。上昏庸。委政田令

孜。宦。呼為阿父。黃巢起兵。山東攻潼關。上幸興元。

巢遂入長安。稱齊帝。鄭畋刺血為表。請兵討賊。楊復

光。宦。言李克用。節度大同。一目微眇。人稱獨眼龍。為後唐祖。驍勇而忠。詔

召之。遂破巢。上還長安。上崩。宦官楊復恭迎壽王

傑即位。

獨眼龍

柳氏為士大夫所宗
柳玘戒子

昭宗皇帝名傑。僖宗弟。十八年。龍紀。大順。景福。乾寧。光化。天復。天祐。七號。柳氏自公綽

來。家法為士大夫所宗。柳玘戒子曰。凡門第高不可

恃。行已少失。得罪重于他人。○王建屢請誅田令孜。

不許。私殺之。表奏請罪。畧云。開柙出虎。孔宣父不責。他人當路斬蛇。孫叔敖蓋非

利已。專殺不行于閭外。先機惡失于設中。○鄭綰好詼諧。多為歇後詩。譏

時事。上徵為相。綰笑曰。歇後鄭五作宰相。時事可知

矣。固辭不獲。未幾致政去。○上與崔允宦。謀誅宦官。

宦官懼。突勒上入少陽院。鎔鐵錮其門。矯詔立太子

裕。崔允誅宦官。迎上復位。猶懼宦官為禍。乃合朱全

孔宣父不責
他人
鄭綰歇後詩
歇後鄭五作
宰相
鎔鐵錮門

全忠誥遷都洛陽

忠節兵討之。盡除宦者。止留幼弱三十人備役。朱全忠逼上遷洛陽。盡毀長安宮殿。上至洛陽。全忠使朱友恭等弑上。而立輝王祝全忠。聞之。徻驚慟哭曰。奴輩負我。令我受惡名于萬代。遂殺友恭。友恭臨刑罵曰。賣我以塞天下之口。如鬼神何。

昭宣皇帝名祝。昭宗九子。二年。仍用天祐年號。彗星竟天。占當君臣俱災。

朱全忠乃殺朝士三十餘人。以應天變。初李振屢舉不第。深恨朝紳。言于全忠曰。此輩嘗自謂清流。宜投濁流。乃投入黃河。朱全忠封梁王。加九錫。尊稱禪。

清流使為濁流

遷上為濟陰王

○後梁紀朱姓。都洛陽。二主。十七年。按五代時。正統相承耳。當時篡國。尚不可勝紀。

附契丹胡人都遼國號契丹。其祖耶律姓。阿保機名也。

太祖皇帝初名溫。唐節度。改名全忠。篡位時。改名晃。七年。有開平乾化二號。梁封馬殷

為楚王。據湖南。滅于南唐。封錢鏐為吳越王。據杭州。滅于宋。

封劉隱為南海王。據廣州。滅于宋。封王審知為閩王。據

福州。滅于南唐。以高季昌為節度。據江陵。滅于宋。李茂貞自

稱岐王。據鳳翔。滅于後唐。楊行密自稱淮南王。國號吳。據

金陵。篡于徐。知誥。王建自稱蜀王。即帝位。據西川。滅于後唐。李

生子當如李亞子

白衣侍樽
終身止稱前
進士

克用自稱晉王據洛陽克用薨梁主攻之李存勗克
子。曰梁欺吾新立耳遂舉兵大敗梁梁王驚曰生子
當如李亞子克用為不亡矣。

末帝

名友貞太祖三子十一年貞明龍德二號

梁震唐進士語高季昌曰願以

白衣侍樽俎

時季昌欲官震故云

終身止稱前進士某。晉王

攻梁急梁主曰李氏吾世仇首不可令彼斷皇甫麟

泣遂弑梁主因自殺。

後唐紀

朱耶姓沙陀人唐賜姓李都洛陽共四主凡十三年是時合五國四鎮

附契丹

殊非從來征伐之意承業稱唐官終身

為天下亦猶是

莊宗皇帝

名存勗三年號同光

封張承業宦燕國公不受曰吾王

世忠于唐今即大位殊非從來征伐之意遂自稱唐

官終身。唐主善音樂嘗自描粉墨與優人共戲以

悅劉夫人。內府錢山積軍士怨其不賞賜遂反唐

主出關東招撫為流矢所中殂。

明宗皇帝

名嗣源本胡人克用養子八年天成長興二號

唐主自謂太平馮道

曰臣嘗履險憂馬蹶執轡甚謹幸而無失至坦途放

轡俄而隕為天下者亦猶是唐主又謂年登道曰詩

云二月賣新絲五月糶新穀醫得眼前瘡剗却心頭

曲盡田家情狀
四民中最為
勤苦

石敬瑭割十
六州與契丹

肉。此詩曲盡田家情狀。蓋農歲凶病穀貴。歲登又病穀賤。四民之中惟農最苦也。

閔帝名從厚。明宗子。在位五月。號應順。潞王從珂明宗養子。本王姓。廢閔帝自立。

廢帝名從珂。二年。號清泰。石敬瑭明宗壻。稱臣契丹。約割幽薊十六州假兵滅唐。

○後晉紀石姓。沙陀人。都大梁。凡二主。年十有一。是時凡五國三鎮。附契丹

高祖皇帝名敬瑭。七年。號天福。徐知誥受吳禪。即位金陵。國號南唐。改姓李。後滅于宋。

劉知遠保河東

齊王名重貴。高祖姪。高祖無子。大臣立之。四年。號開運。晉主致書契丹。稱孫不

稱臣。契丹怒。滅晉。尋以人心不服。北歸。○劉知遠聞契丹入汴。今開封府。保河東。不入援。及晉亡。乃即位晉陽。

更稱天福十二年。

○後漢紀劉姓。沙陀人。都大梁。二主。共五年。是時四國三鎮。

附契丹遼後滅于金。

高祖皇帝名高。字知遠。初為晉軍。以功封北平王。二年。號乾祐。○晉亡五月。漢主

始遷大梁。改號漢曰未忍亡晉也。

隱皇帝名承祐。高祖子。三年。仍號乾祐。史宏肇不喜文臣。曰。安定國家。

將相如水火

裂黃旗被體

在長鎗大劍。安用毛錐。王章曰。無毛錐。則財賦何從。可出。自是將相如水火。郭威反。漢主為亂兵所弑。威請于太后。欲立贊隱帝弟。軍士大噪。裂黃旗以被威體。太后命威監國。未幾即位。

○後周紀郭姓。耶州人。都大梁。凡三主。計十年。是時五國三鎮。附遼

太祖皇帝名威。三年。號廣順。劉文知遠弟。聞漢亡。即位晉陽後滅于宋。

○周主謁孔廟。將拜。左右疑之。周主曰。百世帝王師也。敢不拜。○周太師馮道卒。道歷相四姓唐晉漢周。臣事十君。嘗著長樂老敘。以自述累朝榮遇之狀。臣至歷相四姓。

百世帝王師

長樂老敘

猶云榮遇可謂狗彘之甚矣。

世宗皇帝名榮。柴太后姪。太祖無子。養以為子。六年。號顯德。周主有削平天下之志。命近臣著為君難論。及開邊策一道。有王朴獻

世宗有平天下之志。命近臣著為君難論。點檢作天子

策。周主納之。○趙匡允時為點檢。周主偶得一板。上云點檢作天子。遂廢張點檢以匡允。威名日盛。每臨陣。必繁纓飾馬。或曰。恐為敵

刻木為農夫

世宗賑淮南之飢

所識。匡允曰。吾固欲其識之耳。○周主留心農事。嘗刻木為農夫。置殿側。時夜讀均田圖。歎曰。此致治之本也。○淮南飢。以米貸之。或曰。民貧不能償。周主曰。民吾子也。安在責其必償哉。○時乏錢。詔毀天下銅

毀佛像以鑄錢
王朴作律準

日下一日

黃袍加身

攬轡誓諸將

陶穀詔出袖中

佛像鑄錢。畧云佛以利人為急使其真王朴作律準。
定大樂甚悉。因上言曰。此法出臣獨見也。

恭帝。名宗訓。世宗子。半年仍號顯德。傳言遼合北漢入寇。周主使趙匡

允拒之。苗訓占天文。見日下一日。指示眾軍曰。此天

命也。是夕次陳橋。議立匡允。夜半軍士直逼寢所。匡

允驚起。未及措對。黃袍已加身矣。遂擁還汴。匡允攬

轡誓諸將曰。朝市府庫分毫無犯。則可不。則我不為

若主也。至汴時。早朝聞變。朝士不知所為。匡允涕泣

語羣臣曰。為六軍逼至此。奈何。然猶未有禪詔。陶穀

問取天下者
上世以德中
世以力末世
以謀其詳何
如

天命之歸近
三代

乃出諸袖中。遂用之。乃拜受即位。

鄭氏曰。商周取天下以德。漢唐以力。宋以謀。說者

謂宋有天下。乃天命也。愚謂實不然。傳言遼漢合

寇。而空國兵以授匡允。及陳橋事定。何嘗見遼漢

隻馬哉。至身上之黃袍。豈軍中立就。袖中之草詔。

料平日夙成。此必匡允之定謀。趙普之協力也。吾

故曰太祖之得天下也。天命之歸近三代。人謀之

施過漢唐。向使太祖誠無利天下心。即當陳橋之

變。何不効陽城箕山之節哉。

變而不改則為山之前也

此卦巽也向對大風而無柝天下心則當動也

始曰大風女歸天下也夫命之謂也

卦平日月也此少曰天

變其卦也上之也

變而空也

能來不天不與夫命

德也曰河也

代出臨中

類巽
巽 萃 潘 氏
豐 韻 樓 匪 板

